

衛公兵法輯本






成 集 書 叢

編 初

館 書 印 務 商



衛公兵法輯本



李靖撰  
汪宗沂輯

1669386

衛公兵法輯本

本館據漸西村舍  
叢刊本排印初編  
各叢書僅有此本

# 敘

衛公兵法輯本。凡三卷。歙縣汪子宗沂。合唐杜佑通典。杜牧孫子注。宋太平御覽。武經總要。明唐順之武編。諸書所引逸文。參互輯錄。區爲上中下三篇。曰將務兵謀。曰部伍營陳。曰攻守戰具。其子目則依原文附注篇下。又爲李衛公傳考證。詳求其用兵事實以附之。彙經數易。然後乃敢定著於篇。蓋輯書若斯之難也。而兵家之言。係萬衆生死。尤不可以苟且從事也。有宋之初。纂御覽也。其援引書目。卽有衛公兵法矣。曾公亮等編武經總要。亦多引唐李靖兵法矣。及熙甯閒。嘗詔樞密院檢詳官與王震等。校正通典所紀唐李靖兵法。分類解釋。令可施行。而未立學官。未見書目。當由書未編成。元豐之武經七書。竟以阮逸僞託之李衛公。問對備其數。其時如蘇軾。何遜。邵博。吳曾。陳師道。之儔。皆稔知爲僞書。晁公武。陳振孫。之釋書目。亦確指問對一書出於阮逸家。惟馬端臨通考。疑此卽熙甯所定之本。不知阮逸僞撰。與樞密詳正。本出二事。觀熙甯校試七軍營陳。但據通典所引衛公營陳法。而重校之。知校正別本初未就。阮逸欲自伸其談兵之議論。假衛公以徽名。初非因通典而有所附益也。而唐人李筌私撰太白陰經。多取衛公兵法。不加判別。欲乾沒入己。通典稱引。亦非一例。故或云衛公兵法。或云大唐衛公李靖兵法。且有係兵法而未經注明者。雖析譌舛。在所不免。然猶幸有此二書之存。故李筌雖善於售欺。亦不能盡掩其勦襲。

衛公之迹。如衛公軍令。戰敵失主將。隨從皆斬。而筌改作失三將者。斬隨從者不坐。攻城軸轉車七衢。筌書注云。衢疑作衝。御覽因改衝。其鑿門地聽。據衛公本改正。筌說木幔下。又援筌書使趨卒蔽之一語。以爲證。是不特以通典所取之攻守水陸戰具諸篇爲出自衛公。而引作通典衛公兵法攻城戰具篇。並以衛公兵法爲李筌書所自出。而資之印證。以是知衛公兵法單行之本。宋初當尙有存者。武經總要所引字句多同御覽。可證也。觀通典敍兵。但述衛公以下諸卿相率兵之功烈。而不及李筌。所取筌書攻守篇中自爲之語。皆分注於兵法下。不闌入正文。其取五火之具。不偕火杏並列。可知明烽燧。審斥候。立障塞。備不虞。皆大將開邊之所有事。於衛公爲宜。有不得謂閒出李筌也。卽造舟楫。習水戰。亦衛公從伐蕭銑。大造舟艦時之實用也。因是知宋史稱衛公所著兵法無完書。非無完書也。以經李筌紊亂之所致。而御覽所據單行本。初未刊行。故至元豐閒已不傳也。且兵事必由閱歷。非可空談。如衛公者。夙精兵略。參孫子吳起而大其用。本太公尉繚而善其術。乃猶韜晦浮沈。不輕一試。直至出入將相。宣威沙漠。成就功名。方著爲書。史傳頌其臨機果料敵明。根於忠智而止。可謂得實矣。而當世庸俗之士。震其重名。疑於風角雲祲。別有祕傳。反視此平實精確之兵法爲不足措意。不知兵危事也。當以穩著出之。又陰謀也。當以正道行之。公之言兵。正而不詭。宜可承用於後世。卽云書缺不完。與其因彼妄作之僞文。不如存此不備之眞本也。況李筌阮逸二子。於兵事從未著效。未諳甘苦。又好造僞書以欺世。逸之作僞。有元經。有關子明。

易傳。筌之作偽。有陰符經。又有握機經。而阮逸問對。卽承言握機。八陳奇正。明何良臣以其論奇正。說數更意。數變而疑之。謂談兵之雄。非用兵之傑。其敗闕固已顯著矣。綜而論之。筌之竊衛公書入己書。較逸之以己書冒衛公者。居心尤險而隱。後之言兵不爲筌逸所淆惑者。曾有幾人哉。近儒陸世儀思辨錄。謂旗鼓步伐。今古皆不可廢。戚繼光紀效新書。詳於法制。源出通典。衛公緒論。欲編輯之。以與司馬法並重。而未果。今宗沂之所輯。固得竟陸子之所欲爲矣。於衛公之所以張中國制四夷者。亦得其略矣。特今昔異宜。器械殊制。謂可循習沿用。斯泥古之說也。謂不可循習沿用。又趨時之說也。存古人之真。而神明其意。以參觀於行陣部伍之全。則是書又安可輕廢也哉。光緒十四年冬十一月。歙汪宗沂自敘。二十年秋校定。





# 凡例

一本非衛公兵法。而他書誤注者。當去之。如御覽凡敵有不卜而與戰云云。係通典節引吳子。玉海述通典引吳子亦同。武經總要引之。亦在吳起曰後。

一諸每隊給一旗。前後復出。各有意義。當並錄之。

一陰經軍令。全依此書。凡兵法之因事當斬。未列入軍令一處者。卽未及。卽此可知其襲取。

一通典教戰之法。李筌改取教法令一節。以下取之不盡。其取王琚教弩法入己書。似同此例。蓋多乾沒古人法以爲己書。當分別標出之。

一凡兵法之逸在通典而未注。亦不見他書注明者。無憑取信。姑從闕如。若風雲氣候之屬是也。

一所據通典。乃宋嶺南王文炳刊本。及武英殿本。凡崇仁謝本譌脫字。多從校定。因以知唐順之武編所引本之善。

一原注有引古書而略其名。如商子六弢之屬。亦見李筌書。今仍之。

一宋曾公亮武經總要所取唐李靖兵法。多從彙括。雖非全引。亦有異同。以其書出北宋人。閒亦取校一二。用資考證。

一 張預孫子注所引衛公兵法多出問對偽書。預本南宋人。所稱引自非原本。故不採及。

一 漢書藝文志孫武子八十二篇。今存內篇十三。吳起兵法六篇。至宋多所闕亡。尉繚子三十一篇。至隋逸其七。司馬法散逸尤甚。然尙傳習至今。蓋兵家言。傳者隱祕。恆多逸文。今編輯衛公兵法。乃較吳子司馬法殆有過之。讀者勿以其非完書。而不加討究也。

# 衛公兵法輯本卷之上



唐尚書右僕射贈司徒使持節都督并汾箕嵐四州諸軍事特進開府儀同三司上柱國衛國景武公李靖撰

## 將務兵謀

夫將之上務在於明察而衆和謀深而慮遠審於天時稽乎人理若不料其能不達權變及臨機付當往或是对字之誤敵方始趨趨左顧右盼計無所出信任過說一彼一此進退狐疑部伍狼籍何異趣蒼生而赴湯

火驅牛羊而啗狼虎者乎杜牧孫子注第四形篇引○將務○此極言庸將之害以明爲將之方也

用兵上神戰貴其速簡練士卒申明號令曉其目以麾幟習其耳以鼓金嚴賞罰以戒王本今本作誠之重芻

象以養之浚溝壑王本他本作壘以防之指山川以導之召才能以任之述奇正以教之按奇正之說詳見孫子此但述古知間對妄言奇

正必非出衛公也如此則雖敵人有雷電之疾而我亦杜牧孫子注作則何氏同有所待御覽作也若兵無先備則不應卒

不應則失於機失於機則後於事後於事則不制勝而軍覆矣故呂氏春秋云凡兵者欲急武編作捷所

以一決取勝不可久而用之矣或曰兵之情雖御覽作主速乘人之不及語出孫子然敵將多謀戎卒欲王本

多欲輯令行禁止兵利甲堅氣銳而嚴力全而勁豈可速而王本多犯之耶答曰若此則當卷迹藏聲蓄

盈待竭避其鋒勢與之持久安可犯之哉廉頗之拒白起守而不戰宣王之抗武侯抑而不進是也通典一百五十四○兵機務速○杜牧孫子注十一九地篇御覽二百九十二○按孫子言少則能逃之不若則能避之宗汝霖以計敗卻金人念敵衆十倍我今一戰而退勢必速來使悉其鐵騎夜襲吾軍則危矣乃暮徙其軍金人果夜至得空營大驚自是憚公不敢犯忠簡此舉深合兵機惜乎湘鄉李忠武公之不知出此也毋亦有恃勢而陰沮之者耶

夫決勝之策者在乎察將之材能審一本作察敵之彊弱斷御覽作料地之形勢觀時之宜利先勝而後戰出語

孫子守地而御覽脫此字不失是謂必勝之道也若上驕下怨可離而閒營久卒疲可掩而襲昧迷去二字謝本倒

就士衆猜嫌可振同震而走重進輕退遇逢險阻可邀而取若敵人旌旗屢動士馬屢顧其卒或縱或通

脫或字補從橫其吏或行或止追北恐不利見利恐不獲涉長途而未息入險地而不疑勁風劇寒剖冰濟

水烈景炎熱倍道兼行陣而未定合御覽作舍而未畢若此之勢乘而擊之此為為御覽作所謂天贊我也豈有不

勝哉御覽哉作乎○通典二百五十御覽三百二十二○決勝○按尉繚子善用兵者能奪人而不奪於人此節本其意

若御覽若上軍有賢智而不能用者敗上下不御覽脫不字相親而各逞王本多逞字己長者敗賞罰不當而衆多怨

言者敗知而不敢擊不知而擊御覽多之字者敗地利不得而卒多戰隄王本今本作隄者敗勞逸無辨不曉車騎之

用者敗覘候不審而輕敵懈怠者敗行於絕險而不知深溝絕澗者敗陣無選鋒而奇正不分者敗此亦以奇

正說陣仍本之孫子八陣非若偽書對之援握機也凡此十敗非天之殃將之過也夫兵者甯十御覽作千日而不用不可一日御覽作時

而不勝故白起對秦王曰明王愛其國忠臣愛其身臣寧伏其重誅而御覽無而字不忍為辱君王本今本作軍之將

又嚴顏謂張飛曰。卿等無狀。侵奪我州。有斷頭將軍。無降將軍也。故二將咸重。通典作盡。此從御覽。其名節寧闕。殿本

就死而不求生者。蓋知敗衄之恥。斯誠甚矣。通典三百五十〇御覽。三百二十三〇審敗。

又曰。御覽有。凡與敵相逢。持軍相守。欲知彼算。將揣其謀。則如之何。對曰。士馬驍雄。示我以羸弱。陣伍齊肅。示我以不戰。見小利。佯為不敢爭。伏奇兵。故誘以奔北。內實嚴警。總要作外為弛慢。恣行閒謀。託以忠告。

或執使以相忿。或厚賄。據御覽總要作賂。宋本作後敗。以相悅。移師。總要作則減竈。合營則偃旗。智足以及謀。勇足以及

怒。非得地而不舍。非全軍。武編作而不侵。以多擊。總要作少。必取於晨朝。以寡擊衆。必候。御覽同。謝於日

暮。如此則兵多詭伏。御覽作將有深謀。據御覽總要作圖。理須曲為防慎。總要作不可失。御覽作入。武編同。其規畫。故傳曰。

見可而。御覽同。謝進。知難而退。軍之善政也。但敵國。御覽作無小。蜂蠆有毒。且鳥窮則啄。獸窮猶。一本作

觸者。皆自衛其生命。而求免於禍難也。若困而不鬪。乃智不逮於鳥獸。其將能乎。據御覽武編必須料敵制

勝。戒於小利。然後可立大功矣。或又問曰。所謂料敵者何。對曰。御覽曰下料敵者。料其彼我之形。定乎得失

之計。始可兵出而決於勝負矣。當料彼將吏孰與己和。主客。御覽作孰與己逸。排甲孰與己堅。器械孰與

己利。教練孰與己明。地勢。御覽作孰與己險。城池孰與己固。騎畜孰與己多。糧儲孰與己廣。功巧孰與己

能。秣飼孰與己豐。資貨。謝本誤孰與己富。以此揣而料之。焉有不保其勝哉。夫軍無小聽。聽必審也。戰無

小利。利必大也。審聽之道。詐亦受之。實亦受之。巧亦受之。拙亦受之。其詐而似實亦受之。初刻誤脫以上十

六字。今補入。

其實而似詐亦受之。但當明聽其實。參會衆情。徐思其驗。鍛鍊而用。御覽作不得逆詐自聽。武編作挫折

愚人之詞。又不得聽庸人之說。稱敵寡弱。輕侮衆心。而不料其虛。從御覽實。又不得受敵人以小利餌我。

勇士輒掠財畜。獲其首級。將闔不斷而重賞之。忽敵無備。必爲所敗。揣敵之術。亦易知矣。若辭怒而不戰。

者。待其援也。杖而立。汲而先飲者。倍程逼速。謝本作追。饑渴之兼也。夫欲行無窮之勢。圖不測之利。其事煩

多。路陳梗概而已。若遇小寇而有不可擊者。爲其將智而謀深。士勇而軍整。鋒甲堅銳而地險。騎畜肥逸

而令行。如此則士蓄必死之心。將懷擒敵之計。此當固而待之。未得輕而犯也。如逢大敵而必鬪也者。御覽

脫者彼將愚昧而政令不行。士馬雖多而衆心不一。鋒甲雖廣而衆。御覽作力不堅。居地無固而糧運不

繼。王本作卒無攻。御覽作戰之志。旁無車馬之援。此可襲而取之。抑又聞之。統戎行師。攻城野戰。當須料

敵。然後縱兵。夫爲將能識此之機變。知彼之物情。亦何慮功不逮。鬪不勝哉。通典原注。衛公兵法悉出孫子。如本已具。不復更出。按據此則

衛公書。以與孫子符合。而爲杜氏所刪。除者亦多矣。惜原本已佚。無可校補。

敵有十五形可擊。武經總要引太公。亦謂用兵之法。大法新集。敵始至。行未食。雖已結陣。須饋食也。總要作日高未饋食。不順。逆風

建。後至。敵後來。不得奔走。行軍失次。用力未不戒。我示弱誘敵。動勞倍道兼行。人馬未息。將離大將已去。獨

服。威長路。趨戰爭利。日夜不息。候濟。半渡疾不暇。貪利求勝。不暇險路。山路險狹。泥濘阻狹。車擾亂。行列失序。進退不齊。縱不相連。橫不相對。

或坐或立。驚怖鼓噪掩擊。三軍震懾。不定。陣數移動。人馬數顛。

帥有十過。勇而輕死。可暴。貪而好利。可遠。仁而不忍。可勢。知而心怯。可睿。信而喜信人。可誑。廉潔而

愛人。可侮。慢而心緩。可驕。剛而殺。王本作自用。懦志多疑。可惑。急而心速。可久。通典一百五十〇御覽

凡事有形同而勢異者。亦有勢同而形別者。若順其可。則一舉而功濟。如從未可。則擊御覽作。動而必敗。

故孫臏曰。計者。因其勢而利導之。兵法曰。百里而趨利者。戰國策孫臏引孫子。則蹶上將。五十里而趨利者。軍同上。

半至。善動敵者。形之而敵從之。與之而敵取之。以奇動之。以正待之。此戰勢之要術也。若我士卒已王

作以。齊。法令已行。奇正已設置。陣已定。誓衆已畢。上下已怒。天時已應。地利已據。鼓角已震。風勢已王

下同。順。敵人雖衆。其奈我哉。譬虎之有牙。兕之有角。身不蔽捍。手無寸刃。而欲搏之。勢不可觸。其亦明矣。本

故兵有三勢。一曰氣勢。二曰地勢。三曰因勢。若將勇輕敵。士卒樂戰。三軍之衆。志厲青雲。氣等飄風。聲如

雷霆。王本作此所謂氣勢也。若關山狹路。大阜深澗。龍蛇盤御覽作。陰。羊腸狗門。一夫守險。張預孫子注引作之。千

人不過。此所謂地勢也。若因敵怠慢。勞役饑渴。風浪驚擾。將吏縱橫。前營未舍。後軍半濟。此所謂因勢也。

若遇此勢。當時潛我形。出其不意。用奇設伏。乘勢取之矣。是以良將用兵。審其御覽作。機勢。而用兵氣。仍

須鼓而怒之。感而勇之。賞而勸之。激而揚之。若鷲鳥之攫。猛獸之搏。必修其牙距。度力而下。遠則氣衰。而

不及。近則形見。而不得。故良將之戰。必整其三軍。礪其鋒甲。設其奇伏。量其形勢。遠則力疲。而不及。近則

敵知而不應。若不通此機。乃智不及於鳥獸。亦何能取勝於勅寇乎。乃仍字之。須怒士厲衆。使知。王本今

奮勇故能無強陣於前無堅城於外以弱勝強必因御覽作勢也審敵勢破之○通典一百五十八○御覽三百一十三○決戰○按武經總要軍爭云凡糧道易

絕雖有大利不宜深入不得遺迫

凡是賊徒好相掩襲須擇勇敢之夫選明察之士兼使鄉導潛歷山原杜牧孫子注作林密其聲晦其跡或刻為獸

足御覽作疏而印御覽武編同一作密履於中途或上託王本今作冠微禽而幽伏於叢薄然後傾耳以遙杜牧作遠聽竦

目而深視專智以度事機注心而候杜牧作視氣色見水痕則可以杜牧無此二字測杜牧作知敵濟之早晚觀樹動

則可以杜牧無此二字辨來寇之驅馳也故煙火莫若謹而審旌旗莫若齊而一爵賞必重而不欺刑戮必嚴而

不捨御覽作止敵之動靜而我有備也杜牧孫子注引止此與通典略殊必有其備彼之去就而我必審其機四字據御覽豈

不得保其全哉通典注必須先規敵國道路遠近水潦山川谿谷險阨城邑大小溝渠深淺蓄積多少兵革之數彙傑姓名審而知之用兵之要也○通典一百五十七杜牧孫子注第七軍爭御覽三百零二同○

導鄉

軍志云失地之利士卒迷惑三軍困敗饑飽勞逸地利為寶不其然矣是以彼此俱利之地則讓而設伏

趨其所愛而傍襲之彼此不利之地則引而佯去待其半出而邀擊之平易之所則率騎而與陣險隘之

處則勵步以及徒往易歸難左險右阻沮洳幽穢垣墉溝瀆此車之害地也有入無出長馳迴驅大阜深

谷洿泥塹澤此騎之敗地也候視相及限壑分川斯可以縱弓弩聲塵相接深林盛薄斯可以奮矛鉞蘆

葦深草則必用風火蔣潢翳謝本作蕩翳誤此校蒼則必率一本作素其伏平坦則方布汚斜則圓形左右俱



高則張翼後高前下則銳衝凡戰之道以地形為主虛實為佐變化為輔不可專守險以求勝也仍須節

之以金鼓變之以權宜用逸待勞掩遲為疾不明地利其敗不旋踵矣以下杜牧孫子注引或有進師杜牧作行軍

杜牧作不因鄉導陷於危敗為敵所制左谷右山東馬懸車之逕前窮後絕鴈行魚貫之巖杜牧作兵陣

未整而強敵忽臨進無所殿本有憑退無所固求戰不得自守莫安住杜牧作則日月稽留動則首尾受

敵野無水草軍乏資糧馬困人疲知杜牧作窮力極杜牧引武編同一人守隘萬夫莫向如彼要害敵先

杜牧作皆據之如此之利我已知杜牧作守縱有驍兵利器亦何以施其用杜牧有事至於此可不慎之

哉二句杜牧未引若此死地疾戰則存不杜牧有戰則亡當須上下同心併氣一力抽腸濺血一死一杜牧作於

上前因敗為功轉禍為福矣通典一百五十九杜牧孫子注十一九地○總論地形

若敵人在死地無可依固糧食已盡救兵不至謂之窮寇尉繚子凡圍必開其小利使漸夷弱擊此之法必開其去道勿使

有鬪心雖衆可破類後政教匪法同當以精騎分塞要道輕兵進而誘之陣而勿戰敗謀之法也通典一百五十九○死地勿攻

夫戰之取勝者王此豈求之杜牧無於天地乎王在因人以成之歷觀古人之用閒其妙非一御覽下有

也字即有閒其君者有閒其親者有閒其賢者有閒其能者有閒其助者有閒其鄰好者有閒其左右者

有閒其縱橫者故李王本他本均作子貢史廖陳軫蘇秦張儀范雎等皆憑此術杜牧孫子注無術字而成功也且閒之道其

御覽無其字杜牧同有五焉有因其邑人使潛伺察而致詞焉有因其仕子御覽作故洩虛假令告示焉有因敵

之使。矯其事而返之焉。有審擇賢能使謝本。覘彼向背虛實而歸說之焉。有伴緩罪戾。微漏我偽情浮計。

使御覽作。亡報之焉。凡此王本作。五閒皆須隱祕。重之以賞。密之又密。密字下三字。御覽脫。始王本作。可行焉。若

敵有寵嬖。任以腹心者。我當使閒。遺其珍玩。恣其所欲。順而傍杜牧孫子注。誘之。敵有重臣失勢。不滿其志者。

我則啗以厚利。詭相親附。探殿本作探。武編作探。其情實而致王本作。之。敵有親貴左右之多詞誇殿本作。誕。好論

利害者。我則使閒。曲情尊奉。厚遺珍寶。揣其所閒而反謝本作返。杜牧孫子注同。閒之。敵若使聘於我。我則稽留其使。

令人與之共處。矯致殷勤。偽相親暱。朝夕慰喻。倍供珍味。觀其辭色而察之。仍朝御覽作。暮令御覽有令。

使獨與己伴居。我遣聰明御覽作耳。杜牧同。者潛於複壁中聽其所閒。使既遲遠。恐彼怪責。必是竊論心事。我

知御覽有事字。杜牧同。計遣使御覽武編無使字。而用之。且夫用閒以閒人。人亦用閒以閒己。己以密往此句王本無。謝本有。彼御覽

人。以密來。理御覽無。須獨察於心。參會於事。則不失矣。若敵使人來。欲候我虛實。察我動靜。覘知事計

而行其閒者。我當伴為不覺。舍其御覽作。厚利而御覽無。善昭御覽無。之。舍止而善飯之。杜牧孫子注。微以我

偽言誑事。示以前卻期會。即杜牧孫子注作則。我之所須。為彼之所御覽脫。失者。因其有閒而反閒之。彼若將我虛

而杜牧無。以為實。我即御覽作。乘謝本作。其弊而得其杜牧無。志矣。夫水所以能御覽無能字。武編有。濟舟。亦有

御覽無。因水而御覽無。覆沒者。御覽無。閒所以能成功。亦有御覽無。憑閒而傾敗者。御覽無。若束髮事主。

當朝正色。忠以盡節。信以竭誠。不詭伏以自容。不權宜以為利。雖有善閒。其可用乎。通典一百五十二御覽二百九十二杜牧孫子注十

古之善為將者必能十卒而殺其三。次者十殺其一。三者十殺其三。杜牧孫子注。威振於敵國。一者十殺其一。杜牧注同上。令

行於三軍。是知畏我者不畏敵。畏敵者不畏我。以下至雖經必戮。杜牧未引。○宋何博士備論引作是以古之名將。十卒而殺其三。威振于敵國。殺其一者。令行於三軍。唐之善用

兵者。莫如李靖。靖豈以卒為不足愛哉。以為殺一而百奮。則奮者可期于勝也。縱一而百情。則情者可期于敗也。奮而克敵。與夫情而為敵所克。則是殺者乃所以生之。愛者乃所以害之也。如曰盡忠益時。益。御覽

一作輕行。行。御覽作生。武編作利。重節者雖仇。御覽作讎。武編同。必賞犯法怠惰敗事貪財者。雖親必罰。服罪輸情。質直

敦素者。雖重必捨。遊辭巧說。武編作飾。虛偽狡詐者。雖輕必戮。善無微。杜牧作細。而不贊。御覽作賞。杜牧同。惡無纖。杜牧

微。而不貶。斯乃勵衆勸功之要術。御覽下有也字。杜牧未引此句。昔馬謖。御覽音縮。軍敗。葛亮對泣而行。誅鄉人盜笠。呂

蒙先。杜牧作垂。涕而後斬。馬逸犯麥。杜牧作禾。曹公割髮而自刑。兩掾辭屈。黃蓋詰問而俱戮。杜牧作斬。故知

杜牧作能。威克其愛。雖小。御覽作少。杜牧同。必濟。如。杜牧無如字。愛勝。杜牧作加。其威雖多必敗。杜牧孫子注。引止此。蓋賞罰不在重

在必行。不在數。在必當。故尉繚子曰。吳起與秦人戰。戰而二字今本無。未合。有今本無有字。一夫不勝其其字御覽無。勇

乃怒而今本無此三字。前獲。今本有雙字。首而返。吳起。起字下今本有立字。斬之。軍吏更字下今本有諫字。曰。此壯今本作材。士也。不可斬。吳

子今本子字作起。曰。雖壯士。然不從令者。必斬之。御覽二百九十六引至此。以下依通典一百四十九補入始念。故須勸之以重賞。威之以嚴刑。隨時

而與之移。因機而與之化。可謂不濫矣。凡人耳目。不可以視千里之外。因人耳目而視聽之。即無善不聞。無惡不見。故曰貴明耳貴聰。心貴智。三者並進。則明不可蔽。如能賞罰不欺。明於察聽。則千里之外。隱微

之事莫不陰變而為忠信若賞罰直於耳目之前武編作不聞見者誰肯用命哉故上無疑令則下不

二聽動無疑事則衆不二志由是言之則持軍之急務莫大於賞罰矣武編卷前一同通典○教令總論○衛公兵法孫吳之外得力于尉繚者甚多惜

今本尉繚子亦非完書耳

諸每營病兒各定一官人令檢校糞羹粥養養字武編作食飼及領將行其初得病及病殿本作疢損人每朝通狀

報總管令醫人巡營將藥救療如法仰營主共檢校病兒官量病兒氣力能行者給僮一人如重不能行

者加給驢一頭如不能乘騎畜生通前給驢二頭僮二人縛繫將行如棄擲病兒不收拾者不養飼者檢

校病兒官及病兒僮人各杖一百未死而埋者斬

諸將士不得倚作主帥及恃己力強欺傲火宋本作大人全無長幼兼笞撻懦弱減削糧食衣資并軍器火

具恣意令擊勞逸不等李筌書改作不服差遣及主吏役使不平者斬有私及強梁者同

諸應請甲數葉武編作葉數行數於甲襟上抄記其袍秤知斤兩於袍背上具注斤兩并槍量長短尺丈軍司

並立為文案如事了卻納取案勘數長短斤兩同即納如有欠少隨即科決徵備其軍器常須磨礪修補

亦不得毀棄

諸兵士死亡祭埋之禮祭不必備以牲牢埋不必備以棺槨務令權宜輕重折衷如賊境死者單酌祭酌

墓深四尺主將使人臨哭內地非賊庭死者準前祭哭遞送本貫

諸軍士隨軍被被、武編袋上具注衣服物數并衣資弓箭鞍轡器仗並令具題本軍營州縣府衛衛、武編及已姓名仍令營官視檢押署營司抄取一本立爲文案如有破用隊頭火長須知用處即抄爲文記五

日一申報營司如其勘檢衣資與簿不同物有賸數即是偷來並仰當火隊見有他物即須勘當狀送營司其衣資不上文歷縱使遺失宜不爲理亦不得遞相寄附即是盜來受寄及寄物人並科罪

諸拾得闌遺王本作物當日送納虞候者五分賞一如緣軍須者不在分賞之限三日內不送納官者後殿見而不收者取今本作而不申軍司者並重罪三日外者斬

諸有人拾得闌物隱不送虞候旁人能糾告者賞物二十段知而不糾告者杖六十其隱物人斬諸有功合賞不得踰時有罪合罰限三日內

諸軍內不得扇動軍士恐嚇隊伍謬作是非敗損營壘

諸營幕幕字武編作食事須及早天暗以後即須滅火如夜有文牒須讀及抄寫者須先狀上營主

諸軍內行偽無首從同罪資財沒官王本作典取兵士十錢以上絹一尺以上重罪盜軍資雜物并被賊

偷賂一錢以上無首從同罪如貨易官物計滿一疋無首從同罪應滅截兵馬糧料一升以上無首從同罪棄擲軍糧二升以上無首從行盜一疋以上無首從並同罪

諸軍中有樗蒲博戲賭一錢以上同坐所賭之物沒官李筌書改作以強凌弱樗蒲忿爭酌酒喧競惡罵無禮于理不順者斬又增云因公宴醉者不坐

諸營各令作異旗。一放馬。每隊作記旗。放驢其馬中夾放驢。令四面援馬放。其驢馬子並放。驢羣四面圍繞。驢羣知更牧放。狂賊偷馬。例須奔走。驢羣在外。驅趨稍難。以此防閒。亦甚允。王本作是。便營別即令別放。諸軍不得相交。非直發引之時不難。不難、謂易驅行也。忽有不虞。追喚亦易。

諸行軍立營。驢馬各於所營地界放牧。如營側草惡。便擇好處放。仍與虞候計會。不許交雜。各執本營認旗。如須追喚。見旗即知驢馬處所。諸軍驢馬牧放。不得連繫。每軍營令定一官。專檢校逐水草合羣放牧。仍定一虞候果毅。專巡諸營水草。各令分界牧放。不許參雜。

諸營除六馱外。火別遣買驢一頭。有病疹。擬用搬運。如病人有偏。併其驢先均當隊。馱如當隊。不足均抽。王本作此。隊比營。比、音毗。

諸每營折衝果毅。先各請馬。衙參往來。自合乘騎隊馬。當直擬防機急。官人以下。不得乘騎。其雜畜。除非警急。兵士不得輒騎。

諸軍馬聚會。其數既衆。應行六畜。並仰明爲軍印。仍須別爲營印。防閑失。武編作走。擬憑理認。

諸營兵發以後。捉。武編作拾。得闌遺畜生。亦有兵士失卻驢馬。衣服馱運。不能勝舉。並仰於捍後虞候處取。

闌遺畜生。馱至前營。其六畜卻分付虞候。不得不經虞候。擅取者。及借不送還。武編作同。并剪破印及毛尾者。斬。

諸六畜隨軍。如有死者。須詣所部官陳牒檢驗。是當營六畜。驗印記同。然後許令剥皮。如印不是。本營印。即是盜他六畜殺。

諸將六今本作雜畜。不得非理誤死。損遠衝填。諸軍內六今本作馬畜。不得擅借人乘用。

諸非圍獵。不得乘官馬遊獵。若因巡檢便行。即聽。及迴換軍司六畜者。并王本無者重科。

諸應乘官馬。事非緊急。不得輒奔走。致馬汗及打脊破。通典注。以上并衛公軍令。具所科罪。若臨敵則須重。平居則放輕。隨時裁定。○通典一百四十九○

諸隊設旗。不許與主將旗號相犯。武編卷前一引李衛公兵法。與後一條同引。為通典所未採。

諸將三日。武編多一字巡本部吏士營幕。閱其食飲麤精。均勞逸。卹疾苦。視醫藥。有死。即上陳。以禮祭葬。優給。

家室。有死於行陳。同火收其屍。及因敵傷致斃。並本將校具陳其狀。亦以禮葬。弔贈。如但為敵所損。即宋本

有各隨輕重優賞。

有紕告違教令者。比常賞倍之。武編未引此條。

有告得與敵通情者。其家妻妾僕馬資產。悉以賞之。有紕告主者。欺隱。應所給。比常賞倍之。以上通典有御覽無

攀旗斬將。陷陳摧鋒。上賞。

破敵所得資物。僕馬等。並給戰士。每收陳之後。裨將虞候輩收斂。對總帥。御覽作管均分。

與敵鬪。旗頭被傷。救得者。重賞。

漏洩

御覽作泄

軍事斬之。李筌書改作漏軍事者斬。漏泄軍中陰謀者死罪。為贅出矣。

背軍逃走斬之。

李筌書改作背軍走者斬。在道及臨陣者同。○又增出更鋪失候。犯夜失號。擅宿他火者斬。

後期斬之。

通典注。有故不坐。○李筌書改作不當日時而後期。○阻雨雪水火者不坐。○尉繚子曰。期之。如過時則坐法。

行列不齊。旌旗不正。金革不明。

明。御覽作鳴。

斬之。

與敵私交通。斬之。

通典注。言語書疏並同。○李筌改作與敵。人交通者斬。言語書信者同。顯製注文。

或說道釋。祈禱鬼神。陰陽卜筮。災祥詭言。以動衆心。

御覽下有並字。與其人往還言議。斬之。李筌改作誑惑詭言者斬。妄說陰陽以動衆者同。

無故驚軍。叫呼奔走。謬言煙塵。斬之。

李筌改作無故驚軍者斬。叫呼奔走。妄言煙塵有賊者同。

凡言

御覽言作令

規候。或更相推託。謬說事宜。兼復漏洩。

御覽作泄者。斬之。

吏士所經歷。因便

二字謝本脫

侵掠。

御覽多者字斬之。

姦人妻女。及將婦女入營。斬之。

李筌改作侵欺百姓子女。及將婦人入營者斬。又增云。軍中慎女子氣。

不戰而降敵。沒其家。

李筌書改作不戰而降者斬。背順歸逆者。似太過。且已降敵。何從斬之。

凡有私仇。

今本作讎

須先言狀。

御覽脫此字

令其避仇。若不言。因戰陣報復者。斬之。

布陣旗亂。吏士驚惶。罪在旗頭。斬之。

陣定或輒進退。或輒先取敵。致亂行者。前後左右所干之行。便斬之。



或有弓弩已注矢而迴顧者。或于行失位者。後行斬之。御覽有之字。前行不動行。斬于失。王本作之行。守圍不固。

一火及主吏并斬之。李筌改作守圍不固者斬。罪及一火。

遇敵攻圍危急。若前後左右部隊不救致陷者。全部隊皆斬之。李筌改作臨難不相救者斬。為敵所急。不相救助者同。

設奇伏襲掩。務應機速捷。前將先合。後將即副。進退應接。御覽作乖者並斬之。

為敵所乘。失旗鼓節鉞者。御覽無者。全隊。御覽作陣誤。斬之。李筌改作失旌旗節鉞者斬。與敵人所取者同。又增出遺棄五兵軍裝者斬。不謹固檢察者同。

戰敵旗頭被敵殺。爭得屍首者。御覽無者字。免坐不得者。一旗皆。御覽作並。斬之。

凡戰敵失主將。隨從者皆斬之。李筌改作失主將者斬。隨從者不坐。與此正相反。

一將禦敵。裨將已下。不等差主率。不齊力同戰。更相救助者。仗。武編作法。御覽作任便。斬之。


吏士雖破敵。濫行殺戮。發冢。殿本作塚。墓。御覽無墓字。焚廬室。御覽無室字。踐稼穡。伐樹木者。皆。殿本無皆字。斬之。

擒。御覽作禽字。獲敵人。或有來降者。直領。御覽作令。見總帥。不得訪問敵中事。若違。御覽作因違。因而漏洩。御覽作泄。者。斬之。

破敵先虜掠者。斬之。通典注。入敵境同。破敵先擄掠者斬。入敵境者同。

凡隱欺破虜所收獲。及吏士身死。有隱欺。謝本二字。其資物。兼違令不收恤者。斬之。

違總帥。御覽作率。一時之令。斬之。李筌改作違將軍一時一命者皆斬。未達。通典一百四十九。以上教令。



# 衛公兵法輯本卷之中

## 部伍營陳

諸兵士將戰身已王本通典下同。庭弱不勝衣甲。又戎具所施。理須堅勁。須簡取強兵。并令試練器仗。兵

須勝舉衣甲器以上七字御覽無。仗須徹札陷堅。御覽及他本多皆須二字。取甲試令斫射。然後御覽作始。取中。通典訓兵一百四十八御覽二百九十七〇杜

牧孫子注云。衛公兵法有戰鋒隊。言揀擇敢勇之士。每戰皆為先鋒。其戰鋒隊見下。〇選擇。

每營中兩箱置土馬十二疋。大小如常馬。具鞍令士卒環甲冑。囊弓矢。囊音高。佩刀劍持矛楯。左右上下。

以便習其事。御覽二百九十七引在須取甲試令斫射然後取中。後通典訓兵一百四十九未注明。〇習土馬。

諸大將出征。且約授兵二萬人。而御覽有總。即分為七軍。如或少。臨時更定。通典注。大率十分之中。以二分為奇兵。武經總要引唐李靖法。

凡出兵。且以二萬人為準。又全引李靖法為營法。〇御覽三百零六。〇軍制。

中軍四千人。內揀總要。取戰兵二千八百人。五十人為一隊。計五十六隊。

戰兵內弩手四百人。弓手四百人。馬軍千人。跳盪五百人。奇兵五百人。武編多步字。〇王本分二列寫。

左右虞候各一軍。每軍各二千八百人。內各取戰兵一總。千九百人。共計七十八隊。王本作雙行小字。無隊字。

戰兵內每王本及總要同。軍弩手三百人。弓手三百人。馬軍五百人。跳盪四百人。奇兵四百

人。

左右廂今本作箱。總要作兩廂。各二軍。軍各有王本及武編多此字。總要引與今本同。二千六百人。各取戰兵一同千八百五十人。共

計一百四十八隊。總要引多此一句。

戰兵內每軍弩手二百五十人。弓手三百人。馬軍五百人。跳盪四百人。奇兵四百人。

馬步通計總當萬四千人。總要有。又云。於二萬內。取萬四千人。共二百八十隊。當總要作戰餘六千總要作千。本作十。人守輜重。

諸圍三徑一尺寸共知。復造幕尺丈已定。每十人共一幕。武編多此句。且以二萬人為軍。此下總要多下。營之時一句。四千人為營在

中心。左右虞候左右廂四軍共六總管各一千人為營。兵多外面逐長二十七口。四軍至二十七口。謝本脫。幕橫列十

八。武編有口。幕二字。六面援中軍。六總管下各更有兩營。總要多小字。下云每隊幙五口。若在賊境地狹。則四方下幕。若地土廣闊。不在賊境。則五步之營。其虞候兩

營兵多外面逐長二十七口。幕橫列十八口。幕四總管。武編無三字。有營外面逐長二十二口。幕橫列各十八

口。幕四步。武編作部。下計當千一百三十六步。又有十二營街各別闊十五步。計當一今本脫此字。百八十步。通

前當千三百十六步。以圍三徑一取中心豎。武編作堅。徑當四百二十九步以下。下營之時先定中心。即向

南北東西各步二百四十謝本誤作十四。步。並令南北東西及中心標端四面既定。即斜角更安四標準。南北令

端從此以後分擘配營極易。計二萬兵除守輜重六千人。馬軍四千人。步兵令當二百隊。別取六步三尺

二。今本作六。寸地併衡。宋本。今沿作衡。塞總盡。若地土寬廣不在城庭。王本作城庭。謝本作賊庭。即五步以上幕。幕字上武編多下字。準算

折若地狹安置不得。即須逐角長斜。算計尺寸。一依下營法。

凡以五十人。謝本脫一字為隊。其隊內兵士須結其心。每三人自相得意者。結為一小隊。又合三小隊得意者。

結為一中隊。又合五中隊為一大隊。總要有隊餘欠。王本總要引作少。今本均作又。五人押官一人。隊頭一人。執旗。今本作執

副隊頭一人。左右僂旗二人。即充五十人。總要多至於行立前卻。當隊並須自相依附。如三人隊失一人者。

九人隊。宋本多失小隊二人者。臨陣日。仰押官隊頭便斬不救人。陣散計會。謝本誤隊內少者。勸不救所

由。斬。通典下附今制。乃作通典人探當時增出之制。今不收入。○以上立軍。○尉繚子。束伍之令曰。五人為伍。共一符。由。收于將吏之所亡。任而得伍。當之得伍而不亡。有賞。又曰。凡兵制必先定。先定則士不亂。士不亂則刑乃明。金

鼓所指。則百人盡鬪。陷行亂陣。則千人盡力。覆軍殺將。則萬人齊刃。天下莫能當其戰矣。

諸軍將伍旗各準方色。赤南方火。白西方金。阜北方水。碧東方木。原注。合是青。為與阜色相亂。故改為碧。黃中央土。兵法五

五色。而問對偽書。則有四獸之說。刑會商羽徵角。本於鄭注曲禮。又因方色目為五行陣。乃經生家言。衛公不屑章句。安得有此。土既不動。用為四旗之主。而大將行動。持此

黃旗於前立。如東西南北有賊。各隨方色舉旗。當方面兵急。須裝束旗向前。亞方面兵急。須進旗正。豎

字。即住臥。即迴審細。玉海脫此二字。看大將軍所舉方旗。旗須依節度。

諸每隊給一旗。行則引隊。住則立於隊前。其大總管及副總管。則立十旗以上。子總管則立四旗以上。行

則引。玉海同。武編作。在。謝本誤行。前住則立於旗本。帳側。統頭亦別給異色旗。擬臨陣之時。則辨其進退駐隊等旗

別樣別造。令。武編作軍。玉海無。引輜重。各令本軍營隊識認其旗。如兵數校多。軍營復衆。若以異色認旗。遠看難

辨謝本脫此。即每營各別畫禽獸自為標記亦得。不然旗身旗脚。但取五方色迴互為之。則更易辨。惟須營

營自別。務使指麾分明。凡將出師。其旌旗切須堅牢。若或傾側。衆生異疑也。

諸教戰陳。每五十人。玉海下有為隊。從營纏槍幡至教場左右廂。各依隊次解幡立隊。隊別相去各十步。其

隊方十步分布。使均其駐隊塞空。去前隊二十步。列布訖。諸營十將。一時即向大將處受處分。每隔一隊。

定一戰隊。即出向前。各進五十步。以下御聽角聲第一聲絕。諸隊即一時散立。第二聲絕。諸隊一時捺槍。

卷幡。張弓拔刀。第三聲絕。諸隊一時舉槍。第四聲絕。諸隊一時籠槍跪膝坐。御覽三百五十四引至此。目看大

總管處。大黃旗耳聽鼓聲。黃旗向前。亞鼓聲。他本作動。齊唱嗚呼嗚呼。並去聲。噫口作齊向前。至中界。一

時齊鬪。唱殺齊入。敵退敗訖。可趁。謝本作行三十步。審知賊徒喪敗。馬軍從背逐北。聞金鉦動。即須息叫

卻行。膊上架槍。側行回身。向本處散立。第一聲絕。一時捺槍。總要作便解幡旗。第二聲絕。一時舉槍。第三

聲絕。一時簇隊。一看大總管處兩旗交。即五隊合一隊。即是二百五十人為一隊。總要以此為加其隊法

及卷幡。總要作舉槍。簇隊。鬪戰。一依前法。一看大總管處五旗交。即十隊合為一隊。即是五百人為一隊。

其隊法及舉幡。舉槍。簇隊。鬪戰法。並依前聽第一角聲絕。即散二百五十人為一隊。第二角聲絕。即散五

十人為一隊。如此三度。即教畢。諸十將一時取大將賞罰進止。第三角聲絕。即從頭卷引還軍。一云。初出

舒旗幡。鳴鼓角。行三里。辟矛戟。結旗幡。止鼓角。未至營三里。復疊矛戟。舒旗幡。鳴鼓角。至營復結旗幡。止鼓角。臨陣皆無謹諱。明聽鼓音。謹視旗幡。應前則前應。後則後應。左則左應。右則右應。視所止。聞三金音止。三金

教戰練兵中間隊須知王本加減審看大總管處白碧兩旗交跳盪隊戰鋒隊駐隊每色三隊合為一隊

添入中隊計會使稀稠均即是一百五十人為隊如不須更合隊便即交戰一準前捺槍解幡如須加兵

合隊即看大總管處赤阜兩旗交諸隊各依本色又三隊合為一隊準前添入中隊使稀稠均即是四百

五十人為一隊如須教戰卷幡舉槍簇隊並依前教戰了欲散還營看大總管處兩旗臥即分散卻為一

百五十人隊各依舊立又兩旗臥即散五十人為一隊還依舊初立聽角聲第一聲絕一時捺槍便解幡

第二聲絕一時舉槍第三聲絕一時簇隊聽還營進止如放散更聽一會角聲即依軍伍次發引還營其

應前進而不進應卻退而不退應坐而不坐應起而不起應簇而不簇應散而不散應捺而不捺應卷而

不卷應合隊而不合隊應擘而錯擘入他隊言語謹諱不聞鼓聲旌旗分擾疏密失所並節級科罰其教

法各令子總管以下錄一本教依兵士教旗法通典一百四十 九〇教戰練

又教旗法曰五字通典無 御覽有凡教旗於平原曠野登高遠視處李筌作平原高山 總要引 大字將居其上南

向左右各置鼓一通典無一字 總要同十二面角一十二具具 總要 作枚左右各樹五色旗六纛居前列旗通典無 總要有

次之總要增出監軍御 史衙副六字左右衙通典 作官駐隊如偃月形為後李筌作 候騎下臨平野使士卒目見旌旗耳聞

鼓角心存號令乃命諸將李筌作十將左右決勝 將 總十六 將一萬二千人分為左右皆去通典作 要兵刃精新甲冑李筌作 馬幡幟分

為左右箱此下武經總要增入蓋各以兵馬便宋本通長班布其次陣間容陣隊間容隊曲間容曲總要增入人間

往不關馳逐以長參短以短參長迴李筌作軍轉陣以後為前以前為後進無奔送李筌作退無趨走以下李

錄未以正合以奇勝聽音觀總要作望武編有麾此句乍合乍離於是三令五申白旗點李筌作鼓音動則左

右廂齊合朱旗點角音動則通典李筌武左右廂齊離合宋之與離總要作離皆不離李筌作中央之

地左廂陽向而旋武編李右廂陰向而旋李筌作左右各復本初李筌作白旗掉鼓音動左右各雲蒸

鳥散彌川絡野然而不失部隊之疏殿本作密朱旗掉角音動左右各復本初以上一段李筌前後左右

人立之疏密使總要多此無差尺寸散則法天聚則法地如此此字下通三合而三離三聚而三散不如法者

吏士之罪武編作務武編有從軍令李筌作可以於是大將出五彩李筌作旗一十二口李筌作各樹於

左右廂李筌無陣前每旗命李筌作壯勇士五十人奪守旗武編脫九字選壯勇士五十人奪旗左箱奪

右廂旗總要多右廂奪左箱旗鼓音動而奪角音動而止得旗者勝失旗者負勝賞而負罰離合之勢聚

散之形李筌脫勝負之理賞罰之信李筌作是而教之御覽二百九十七引衛公兵法作教旗法又引太白陰經

行列知部分云云可見李筌實述成法蓋衛公兵法為邊吏所習用者○通典一百四十九未注武編依通典武經總要引此作教平原兵下多使習知立陣之法一句

附凡教陣先量士卒多少即教場中分三道士河中分左右廂相對四隊夾一土盆以次布戰鋒隊第一

隊為戰隊間一隊抽取一隊為駐隊隊隨多少每廂各兩重布隊凡入教場布陣先六纛次五方旗次



角次鼓次鉦次招旗次左右廂兵馬使次第相續立定一隊為駐隊一隊為戰隊皆取五方信旗為號

凡士卒動靜皆號信旗吹角一會點青旗兵馬使都虞候集凡旗皆須地土點赤旗大將副將同集點皂旗小所

由悉集受處分訖卻歸本隊放歸本隊須候卻丁寧曉諭訖南頭第一隊兩廂各出一旗以告辦辦排比所

教練兵馬已訖告訖旗歸本隊即視信旗合擊鼓一搥諸隊盡簇信旗開鼓一搥諸隊盡開卻依本處立信旗

舉鼓一搥諸隊槍旗並舉齊唱軋聲信旗亞又鼓一搥諸隊槍旗並亞齊唱于聲諸隊弩手齊出至前

第三土河作上弩勢凡出並至前第三土河又鼓一搥架箭又鼓一搥皆唱殺聲即退至本隊立定又鼓一搥齊唱

于聲弓手齊出至土河各為架箭勢又鼓一搥齊唱殺聲陌刀齊亞不得背面起陌刀頭卻還本隊立

定凡歸隊卻行皆須前脚續後脚不得回面行也信旗又三點一點一交聲三點三交聲訖鼓三聲一聲警衆二聲排比三聲陳長打便長打鼓

皆作何何聲左右廂並進至中央出河立定大叫交交胡祿交匝右箱退左箱還至本隊前土河右廂

點信旗喚駐隊大叫交交走救與戰隊齊立定左廂退右廂逐之至本土河前左廂點信旗喚駐隊大

叫交交走叫與戰隊立定右廂退左廂逐之至中央土河立定良久聽鼓聲歇何何聲絕鼓一搥齊唱

于聲槍頭並舉與肩齊若槍頭低天地一尺已下也又鼓一搥齊唱殺聲槍旗盡亞三于三殺然後擊鉦發左右

廂齊退並不得回面起槍至本土河立定訖候鼓聲一搥齊唱于聲槍旗並揭立信旗合鼓一搥諸隊

齊作羽林聲聽角聲發羽林聲止殺畢俟傳語齊唱除視信旗點着地即兩廂齊唱吟視五方旗及角聲行左

右廂兩頭各出一隊。至第二土河。行依軍次還營。以上武經總要。

諸軍將戰。每營跳盪隊。馬軍隊。奇兵隊。戰鋒隊。駐隊等。分拆。御覽作為五等。當軍等別。二字御覽無。各令一官

押領。御覽作出戰之時。先用某等兵戰鬪。如更須兵。以次更取某等兵用盡。當營輜重隊。不得輒用。亦各

一官。御覽下有押領。御覽作使堅壘。各令知其隊伍。不使紛雜。自餘節度。一依橫陣。通典一百五十七御覽二百九十九○隊伍。

諸道狹不可並行者。即第一戰鋒隊為首。其次右戰隊次之。其次左戰隊次之。其次右駐隊次之。其次左

駐隊次之。若道平川闊。可得。御覽作並行者。宜作統行法。四字御覽無。其統行。總要有法。每統戰鋒。御覽作隊

居前。兩戰隊。御覽並行次之。又兩駐隊並行次之。餘統准。御覽作此若更堪齊頭行者。每統五隊橫列。總

引作齊行。後統。御覽作次之。如。御覽總要同作如。每統三百人。簡取二百五十人。分為五隊。第一隊為戰

鋒隊。第二。御覽有第三隊為戰陣。今本作第四第五隊為駐陣。王本作每隊。御覽隊頭一人。副隊頭一人。

其下等五十人為輜重隊。別著隊頭一人。副隊頭一人。五字御覽無。擬戰日。押輜重。遙為聲援。若兵數更

多。皆放。總要作此類。御覽作

諸軍當軍折衝果毅。武經總要云。折衝果毅。今則諸軍候指揮使等。每。御覽武編同發營。須依次第。戰日有罪須罰。有功須賞。依名

排次。甚為省易。不然。推逐稍難。爭競不定。通典一百五十七○御覽二百九十九○行軍隊伍。

危阪。危。御覽高陵。谿谷阻難。阻。御覽則用步卒。平原廣衍。草淺地堅。則用車。追奔逐北。乘虛獵散。反復百

星復御覽則用騎故步御覽作卒此依王本為腹心車為羽翼此句王本有謝本脫騎為耳目三者相待參合迴今本作行

通典一百四十八在注中御覽二百七十一○行軍上

諸每隊給一旗行則引隊住則立於隊前其大總管及副總管則立十旗以上御覽作總管則立四旗

以上行則引前總要作前列住則立於帳前注云或統頭亦別給異色旗擬臨陣之時辨其進退駐隊等旗別

樣別造軍御覽、總要作令引輜重各令本軍營隊識認此旗前重教戰此重行軍非複出也

諸軍相去既遠語聲難徹走馬報又勞煩故建旗幟用為節度其方面旗舉當方面兵急須裝束旗向前

亞方面兵急須進旗正豎即住旗臥卻迴審細看大將所舉之旗四字今本通典脫從御覽補○通典注大將方面旗東方碧南方赤西方白北方

黑專行方色旗亞處即是其方賊來便須捍禦攻擊具法制篇中

諸大將置鼓四十面子總管給十面營別給鼓一面行即負隨纛下晝夜及在道有警急擊之傳響武編作響

令諸軍嚴警兼用防備賊侵逼如軍行引之時先軍卒逢寇賊先軍即急擊鼓武編引脫鼓字中腰及後軍聞

聲急須向前相救中腰逢賊即須擊鼓前軍聞聲便住後軍聞聲須急向前赴救後頭逢賊即擊鼓前頭

中腰聞聲即須住並量抽兵相救如發引稍長鼓聲不徹中腰支料更須置鼓傳響使前後得聞總要以下未引

其諸營自須著鼓一面用防夜中有賊犯營即急擊令諸軍有警備

諸行軍立營數多則計或逢泥溺武編作或阻山河同聽角聲俱共齊發路狹難進途飼馬驢應發營第

一角聲絕。右虞候捉馬驢。總要作第二角聲絕。即被駕。右一軍捉馬驢。第三角聲絕。右虞候即發引。右一

軍被駕。右二軍捉馬驢。第四角聲絕。右一軍即發引。右二軍被駕。以後諸軍。每聽角聲。裝束被駕。準此。每

營各出一戰。總要同。王本作陣。隊令取虞候進止。防有賊至。使王本。今用騰擊。前有賊。前頭用。後有賊。迴捍。後如

其路更細小。即須更加角聲。仍令虞候及當營官人虞候子排比。催督急迴。總要、武編、作過。不得停擁。過訖。以

後。軍準前排比。催迫急過。通典一百五十七。

其步兵隊。輜重隊。二千步外引。馬軍去步兵二里外引。武經總要五引李靖。注云。裴緒亦同。

諸御覽無此字。軍馬行動。須知次第。出先右虞候馬軍為首。次右虞候步軍。次右軍馬軍。次右軍步軍。次前軍

馬軍。次前軍步軍。次中中作右。御覽誤。軍馬軍。次中軍步軍。次後後作右。御覽誤。軍馬軍。次後軍步軍。次左軍馬軍。次

左軍步軍。其御覽無其字。次左虞候馬軍。次左虞候步軍。其馬軍去步兵御覽無兵字。此句總要引。云裴緒亦同。一二里外行。每

有高處。即令四一本作三。五騎馬於上立。四顧以候不虞。以後餘軍。準前立馬。四顧。右虞候既先發。安營。踏

行道路。修理泥溺。總要、武編、作濼。橋津。檢檢作險。御覽武編同。行水草。左虞候排窄路。總要作踏。橋津。捍後收拾闌遺。排比

隊仗。武編作伏。整齊軍次。使不交雜。若軍迴入先左虞候馬軍。次左虞候步軍。次左馬軍。次左步軍。其次第

準前卻轉。其虞候軍職掌。準初發交換。

諸軍營各量置。御覽脫置字。虞候子。並使排比依軍次行。如此發引。卒逢寇賊。部伍甚易。若零疊。武編作令重。散行。

率卒今本作難就萬一賊至並非所管

諸軍討伐例有武編作數營發引逢賊首尾難救行引之時須先為方陣行列總要多應行之兵分為四

分分字調輜重為兩道引戰鋒等隊亦為兩道引其第一分初發輜重及戰鋒謝本誤作隊分為四道行

兩行戶郎切輜重在中心雙引兩行戰鋒隊並合御覽有總要各在輜重外左右夾雙引其次一總要作

分戰鋒隊與前般武編作左右行戰鋒隊相當輜重隊與前行輜重隊相當又其次二分准御覽作上最

後一分亦準上初發第一分引御覽作戰鋒輜重相當輜重橫引在內為兩行戰如其逢賊前後御覽無分

四行兩行輜重抽縮兩行戰鋒橫引御覽作作前面甚易其次兩分先作四行長引其戰鋒即御覽即在

外便充兩面甚易武編有此其次兩分武編有後分亦先作四行其輜重進前御覽有戰鋒隊橫列相接便

重首尾輜重稠行戰鋒等隊稠行御覽作引常令輜重併近前頭戰鋒隊相去十步下一隊輜重隊相去

兩步下一隊如此行御覽無即須相得謝本誤若得御覽無逢川陸平坦彌加穩便其戰鋒輜重等隊分

布使均通典一百五十七御覽三百零六〇行軍下

諸兵今本作馬既逼賊庭探候事須明審諸營住及營行前後及左右廂肋御覽作上五里著馬兩騎十

里更加兩騎十五里更加兩騎至三十里一道用人馬十二騎若兵多發引稍長肋上即更御覽作使更

謝本誤作便

量加一兩道使令相見其乘馬人每令遙相見常接高行各執一方面異旗無賊此旗常卷見賊即須謝本

脫此速展軍營見御覽有旗展即知賊至須覓穩處既先御覽無知賊來得設機伏整齊部伍迎前出陣

戰御覽作迎其最遠及以御覽無次遠人須與好馬乘騎不然被賊捉御覽誤將通典一百五十七御覽三

諸逢平原廣澤無險可恃即作方營總要五引唐李靖法以此兵既有二萬人已分爲七軍中軍四千人左

右四軍各二千六百人虞候兩軍各二千八百人左右軍及左右虞候軍別三營六軍都當十八營營王本

有中軍作一大營如其無賊田土寬平每營中間使容一營如地狹不得使容一營中軍在中央六軍總

營在四畔象六出總要出下花軍出日右虞候引前其營在中營前武編有右廂向南左虞候押後在中營

後左廂近北結角兩虞候相當狀同丑未總要作若左虞候在前即右虞候在後諸軍並卻轉其左右兩

廂營在四面各令依近本軍布陣幃今本作得相統攝急緩武編作須有救援若欲得放馬其營幕即便

張布王本務取營裏武編作寬廣不使街巷窄狹如其拓陣今本作兵少量抽不戰隊相助如兵有

多少準數臨時加減其隊去幕二十步布列使均諸地帶半險須作月營其營單列面平背險兩翅向險

如月初生其營相去中間亦令容一營如逼賊庭不得使容一營若有警急畜牧並於營後安置其隊依

前於營外去幕二十步均列布之通典一百五十七武編卷前二下營武經總要李靖陣法以破敵在丑先鋒在

未爲十二辰此當指之前冲已後冲亥摧凶辰決勝戌左寅右申子午卯酒則以大黑大赤大青大白當之合八百馬步成一陣每陣抽騎射弓弩百人充游軍每陣相去一百步失一陣斬一將

諸軍營將發之時。當營跳盪奇兵馬軍去營二三里外。當面布列。戰鋒隊駐隊各持仗依營四方。王本今作面。

去擬徹幕處二十步布列隊伍。一如臨陣法。待營中裝束輜重訖。其步兵輜重隊二十步引馬軍去步軍

二里外行引。

諸軍營將下之時。當營跳盪奇兵馬軍。並戰鋒隊駐隊。各令嚴備持仗。一准發兵法。待當營卓幕訖。方可

立隊。釋各仗。總要作仗各武編引無各字。於本隊下安置。若有警急。隨方捍禦。其馬軍下營訖。取總管進止。其馬令。總要

作合。羣牧放。通典一百五十七。

諸兵士每下營訖。先令兩隊共掘一廁。御覽三百零六引止此武經總要同。

諸行軍出師。兵士不得浪費衣資。廣為喫用。又不得近田苗及城中下營。須去城十里外。要。武編作若。有市

賈。王本。入城。營司判官許。武編無許字。差人押領。不許輒入城郭。必免酗酒鬪打。偷盜姦非。亦不。疑脫許字。損暴

田苗也。

諸兵馬每下營訖。營主即須勾當四司營。謝本作官。與。總要武編同。謝本作典。司兵及左右。右武編作佐。令分頭巡隊。問兵

士到否。如有卒忽未到。即差本隊本火主將畜生及水食卻迎取。如其地。總要作逃。走遠。差人捕捉。

諸軍下營訖。司騎及佐分頭巡隊。武編同作隊。檢驗驢馬羣。先有脊破。即令翦毛洗瘡。傅藥療救。不許連絆。如

新打破作瘡腫。并有擊絆。即將所由人領過營主。量事決罰。司冑及佐下營訖。即巡隊檢校兵甲等色。如

有破綻總要同。謝本作壞。損汚須即修緝緝、總要、武編、同作葺。磨礪如有棄失申上所由便為案記准法科給殿本作結今本作決。

司倉及佐捉搦兵士糧食封署點檢勿令廣費通典一百五十七武經總要六〇通論下營。

諸軍御覽無軍字。營下定事須防禦於營外去幕御覽無此二字。二十步列隊仗如臨陣對寇法晝夜嚴警縱逢雨雪

列隊武編有此二字。並押隊官並不得離隊每營留五匹馬并鞍轡放飼防有警急即令馳告至夜每陣御覽武編同。謝本

誤作前百步外各御覽無各字。著聽子二人一更一替以聽不虞仍令御覽多探更人三字。探聽子御覽多細字。勿合眼睡御

作令眠其晝日夜御覽作夜。諸軍前各亦逐高要處安置斥候以視動靜

諸軍營隊伍每夜分更令人巡探人御覽武編皆有人字。不得高聲唱號行者敲弓一下坐者扣稍三下方擲軍號

以相應會當營界探周而復始擲號錯失便即決罰當軍折衝果毅並押鋪宿盡更巡探遞相分付虞候

及中軍官人通探都巡通典二百五十七御覽三百三十一〇下營斥候。

諸軍營常須慮有卒急要設外鋪每夜軍別量抽三五人總要於當軍前或於軍側三五里外穩便要害

之處安置外鋪仍令各將一兩面鼓自隨如夜中有賊犯大營其外鋪看賊與大營交戰即從鳴鼓大叫

以擊賊後乘得機便必當克捷通典一百五十七。

諸軍營御覽無營字。下定王本定下。每營夜別置外探每營以折衝果毅相知作次總要乃改迭作番次凡四字。每夜面御覽無總要有

別置御覽有置字。四人各領五騎馬於營四面去營十里外遊弈以備非常如有警急奔馳報軍通典一百五十七〇御覽三百



諸晝日有賊犯營。被犯之營。即急擊鼓。諸營亦擊鼓相應。應訖。無賊之營即止。唯所犯之營。非賊散。鼓聲不得輒止。

諸軍各著衣甲持仗。看大將。王本作軍。五方旗所指之方。即是賊來之路。裝束兵馬。出前布陣。諸軍嚴警。如

須兵救。一聽大總管進止。不得輒動。總要亦引。無諸軍嚴警句。未得輒動。在如須兵救之上。

諸夜有賊犯軍營。被犯之營。擊鼓傳警。一如晝日。非賊去不得輒止。仍須盡力禦捍。百方防備。諸軍營擊

鼓傳警訖。鼓音即止。各自防備。不得輒動。被犯之營。賊侵逼急。即令告中軍。大總管自將兵救。餘軍各准

常法。於營前後出隊布陣。以聽進止。

諸狂賊夜來犯。被犯之營。但擊鼓拒戰。不得叫喚。諸營擊鼓傳警訖。鼓音即止。當頭著衣甲防備。被犯之

營。既鼓聲不止。大總管自將兵救。先與諸將平章兵士。四字總要改作潛約。或隨身將胡桃鈴為標記。不然打鼓從

內向外。以相救助。其被犯之營。聞鼓鐸之聲。即知大總管兵至。其軍內節度。大總管臨時改變處分。每晨

朝。即共諸軍將論一日事。至暮。即共論一夜事。若先為久。謝本誤作人。長定法。則恐有漏洩。狂賊萬一得知。翻

輸機便。原注。其胡桃鈴。或鐸之類。皆不可先定。恐賊知誤人也。諸兵。武編作軍字。以二萬人。軍用一萬四千人。戰計二百八十隊。有賊。總要將出戰布陣。先從右虞候軍引

出。即次右軍。即次前軍。即次中軍。即次後軍。即次左軍。即次左虞候軍。總要除馬軍八十隊外。總要其步

軍有二百隊。其中軍三十六隊。左右虞候兩軍各二十八隊。共五十六隊。其左右廂四軍各二十七。武編

通典注其分人定五。隊共一百隊。且軍制篇中須先。總要作造大隊以三隊。三十隊總要注又合為一隊。慮防賊徒併

兵衝突。其隊居當軍中心。總要作在陣中安置使均。其大隊一十五隊。總要五十隊中軍三隊。餘六軍各二隊。

通五十八隊。武編作十大隊合有一百七十隊。總要止七十隊或為戰駐等隊。隊別通隊及街閒空處。據地二十

步。十隊當二百步。以八十五隊為戰隊。據地計一千七百步。其八十五隊為駐。武編作隊。塞空處。其馬軍

各在當戰隊後。駐軍左右下馬立布陣。訖鼓音發。其弩手去賊一百五十步。即發箭。弓手去賊六十步。即

發箭。若賊至二。武編作十步內。即射。手弩手俱捨弓弩。令駐隊人收其弓弩。手各。王先絡膊。將刀棒自

隨。即與戰。鋒各隊齊入奮擊。希擊下總要多戰鋒每隊重行其馬軍跳盪奇兵。亦不得輒動。若步兵被賊蹙迫。

其跳盪奇兵馬軍。即迎前騰。武編作擊。步兵即須卻迴整頓。武編作向前。若跳盪及奇兵馬軍被賊排

退。戰鋒等隊。即須齊進奮擊。其賊卻退。奇兵及馬軍亦不得遠趨。審知驚怖散亂。然後可乘馬追趁。其駐

隊不得輒動。前卻打賊。退敗收軍。舉槍卷幡。一依教法。如營不牢固。無險可恃。即軍別量抽一兩隊充駐

隊。使壘壘營。如其輜重牢固。不要防守。駐隊亦須出戰也。

諸逢賊布陣。須有次第。先右虞候為首。其次右軍。其次前軍。其次中軍。其次後軍。其次左軍。其次左虞候。

其諸軍跳盪奇兵馬軍各隨本軍以次行至戰所。武編作前並於本軍戰鋒隊駐。御覽無駐字隊前布列待五武編

諸作方旗節度如戰鋒等隊打賊不入其跳盪奇兵排後即入每入。二字御覽無山谷林木蒙密之處並渡水

狹路及下營戰處百里以來總須搜踏清靜不然兵引過半臨戰下營伏兵起發致損軍旅其收軍還營

卻抽左虞候先入即左軍後軍中軍前軍右軍右虞候次之。二字武編無御覽三百零一

諸賊徒恃險固阻。御覽同謝本山布陣不得橫列兵士分立宜為豎。武編作陣其陣法弩手弓手與戰鋒隊

相間引前兩駐。御覽無駐字隊兩邊相翊布。御覽作右列既定諸軍既聽角聲其角聲節度一准前看黃旗向賊

亞聞鼓聲發諸軍弩手弓手及戰鋒隊各令人捉馬一時籠槍大叫齊入若弩手弓手戰鋒等隊引退跳

盪奇兵隊一時齊入戰鋒等隊排比迴面還與奇兵同入如見黃旗卻立不亞及聞金鉦聲乃止膊上架

槍引還各於舊處准前聽角聲卷幡箴隊一准前如便放散即更聽一會角聲依軍次發引。總要未排立一聽角聲即卷

幡箴隊如便放若更聽鼓聲角聲依軍次還營

諸方陣既成逢賊鬪戰或打頭或打尾打頭其陣行行。御覽無行字不前進陣既不進自然牢密如其打尾頭

行不停其陣中間多有。御覽有作即斷絕須面別各定總管都押勾當勿。御覽誤令斷絕。御覽三百零一營陣

諸每隊布立第一立隊頭居前引戰第二立執旗一人以次立左僊旗在左次立右僊旗在右次立其武編

奇作兵分作五行僊旗後左右均立第一行戰鋒七人次立第二行戰鋒八人次立第三行戰鋒九人次

立第四行戰鋒十人。次立第五行戰鋒十一人。次立並橫列鼎足。分布為隊。隊副一人。於兵後立。執陌刀。觀兵士不入者便斬。果毅領僱人及王本作居後立督戰。觀不入便斬。並須先知左肩右膊。行立依次。不入

下。總要均加陣字。

諸每隊戰鋒五十人。重行在戰隊前。布陣立隊訖。聞鼓聲發。戰鋒隊即入。其兩戰隊亦排後即入。若戰隊

等隊有人不同入。同隊人能斬其首者。賞物五十段。別隊見不入人。能斬其首者。准前賞物。唯駐隊人不

得輒動。凡與敵鬪。總要作凡兵方戰。其跳盜奇兵馬軍等隊。即須量抽人下馬當之。總要無下字。隊別量三字總要改作仍於隊內。抽

捉馬人。先定名字。若臨鬪時。捉馬人有前卻。及應捉撩亂失次第。致失鞍馬者。斬。若其賊退步趁。不得過

三十步。亦不得即乘馬趁。審知賊退。撩亂驚怖。可武編騎馬逐北。仍與諸隊齊進。其折衝果毅當鬪之時。

雖蹙下馬。賊從武編作徒。敗退以後。即任騎馬檢校。騰逐。武經總要敘戰下。渾括此一節為數則。

諸軍弩手。隨多少布列。五十人為一隊。人持弩一具。箭五十隻。人各絡膊。將陌刀棒一具。各於本軍戰隊

前雁行分立。調弩上牙。去賊一百五十步內戰。齊發弩箭。賊若來逼。相去二十步。即停弩。持刀棒從戰鋒

等隊過前奮擊。違者斬。如有一本作共賊相持。守捉城邑。其弩手等。即依弩式看旗發用。

諸隊頭共賊相殺。總要作與賊鬪追賊。左右僉旗急須前進相救。其左右僉如武編被賊纏繞。總要作以次行人急

須前進相救。其進救人及各本作被賊纏繞。以次後行人參前急須進救。其前行人被賊殺。後行不救者。

仰押官及隊副使便斬。但有隊被賊纏繞。比隊亦須速救。臨陣不救者。皆斬。凡將須使兵士簡靜。處分有序。將百萬之衆。如領一人。每軍定一官知高聲。營別有虞候。差主帥一人知高聲。營四面各差一人知高聲。隊別亦定一人知高聲。

諸見賊聲高喧鬧者。仰押隊官及隊頭便斬。押隊官隊頭不斬者。即斬押隊官及隊頭。諸軍將或在前。或在後。須傳聲喚隊及人者。仰押隊官自傳。兵士不得輒傳。通典一百五十七。分佈陣。

諸兵馬被賊圍遶。抽拔須設方計。一時齊拔。賊即逐背揮戈。因此必敗。其兵共賊相持。事須抽拔者。即須隔一隊抽一隊。所抽之隊。去舊隊百步以下。遂便立隊。令持戈槍刀棒并弓弩等。張施待賊。張施了。即抽前隊。如賊來逼。所張弓弩等人。便即放箭奮。王本作奮。武編同。謝本誤。擊。如其賊止不來。其所抽隊。便過向前。百步

以下。遂便准前立隊。張施弓弩等待賊。既張施訖。准前抽前隊。隔次立陣。即免被賊奔蹙。其被抽之隊。不得急走。須徐緩而行。如被。武編同。賊相逼。即須迴拒戰。其隊頭押官押後。副隊頭引前。如有走者。仰押官隊頭便斬。違節度者。斬全隊。通典一百五十六。抽軍。武經總要。抽隊本之大要。以為隔一隊抽一隊為主。

諸兵馬發引。或逆。御覽作泥溺。武編作或阻山河。其路有須填補。有須開拓。左右虞候軍兵。先多於諸。御覽

軍。取充虞候子右虞候。四字宋本無。先將此兵修理橋梁泥濘。宋本又作開拓窄路。左虞候排窄路。捍後收

拾闌遺。以上通典一百五十七。御覽三百零六。防捍。

諸戰銳御覽作等隊打賊敗其駐隊別量抽驍健二十人逐北其輜重隊遙叫作聲援不得輒動跳盪

隊奇兵隊趁賊退不得過百步如審知賊徒敗散仍須取機追逐敵退追奔通典一百五十四御覽三百十四○追奔

諸軍馬擬停三五日即須去軍一二百里以來安置燿烽如有動靜舉烽相報其烽並於賊路左側逐要

置每二十里置一烽應接令遣到軍其遊奔馬騎晝日遊奔候視至暮速即殿本作食喫訖即移

十里外止宿慮防賊徒暮間見煙火夜深御覽作掩襲捉將其賊路左右草中著人宿止武編作以聽賊

徒如覺來報烽煙御覽皆御覽作舉烽遞報軍司知覺十騎以上五十武編騎以下即放一炬火御覽作

前烽應訖即滅火若一御覽百騎以上二百騎以下即放兩炬火御覽作前應滅賊若五百騎以上五

千騎同即御覽五千騎下放三炬火準前應滅前鋒今本作應訖即赴軍若慮走不到軍即且投山谷逐

空方可赴軍如以次烽候視不覺其舉火之烽即須差人急走告知賊御覽路既置燿烽軍內即須應接

又置一都烽應接四山諸烽其都烽如見煙火急報大總管云某道煙火起大總管當須御覽作嚴備收

拾畜殿本作生御覽作遣人遠探御覽誤每烽令別奏一人押一道烽令御覽令作折衝果毅一人都押通

一百五十七御覽  
三百三十五

烽臺於高山四顧二字李險絕處置之無山亦於孤特各本作迴平地置李筌許洞皆下築羊馬城高下任

便常以三十許洞下有五為準臺五丈下闊二李筌作丈上闊四字御一丈形圓以下御覽上建圓屋覆之屋逕

許洞作 闊一丈六尺一面跳出三尺以板爲李筌有上覆下李筌無棧屋上置突竈三所臺下亦置三所

李筌無此句 並以石灰飾其表裏復置柴李筌有籠三所流火繩三條在臺側近李筌無上下用屈膝梯

李筌作 上收下乘李筌作屋四壁開覷賊孔李筌作開四李筌作及安視李筌作火筒置旗一許洞作口鼓一面弩

兩張拋石壘木停水瓮乾糧麻蘊火鑽火箭蒿艾狼糞李筌有牛糞每晨及李筌無夜平安舉一火聞警

因李筌無舉一火見煙塵舉二火見賊燒柴籠如每晨及夜平安火不來則各本作烽子爲賊所捉李

提李筌無一烽六人五人爲烽子遞知各本作如許洞引誤作和更刻觀視動靜一人烽率李筌作知文書符牒轉牒許洞

遞李筌改此作烽燧壘篇通典一百五十二御覽三百三十五

馬鋪每鋪相去三李筌作十里李筌增如驛於要路山谷閒牧馬兩疋與游弈計會有事警許洞作急煙塵

入境即奔馳報探李筌作則奔馳相報

土河於山口賊路橫斷李筌作道鑿李筌有之闊二丈深二尺又作文李筌以細沙散李筌無土填平每日

檢行掃令淨平人馬入境李筌妄作有李筌改此爲馬鋪土即知足跡多少許洞作尺

遊弈於軍中選驍果諳山川泉井者充常與烽鋪李筌有子土河計會交牌王本作日夕邏盧箇候於亭障

之外捉生問事其軍中虛實舉用勿令游弈人知其副使子將並從軍行從謝本誤久許人取善騎射

者兼以下御覽三百三十令人枕空胡祿李筌作臥有人馬行三十里外東西南北皆李筌有響李筌有見

於胡祿中名曰地聽則先防備。通典一百五十二御覽三百三十一○安地聽見後存城篇。此因游奕而順及之者。故曰

夫軍城及野營行軍在外日出日沒時搥鼓一通典無一字。千槌三百三十三槌為一通鼓音止角音動吹十

二聲為一疊角音止鼓音動如此三角三鼓而昏明畢。通典下有之字。○通典一百四十九御覽三百三十八○鼓角。



# 衛公兵法輯本卷之下

## 攻守戰具

攻城戰具。四字御覽無。作四輪車。上以繩。李筌多上字。為脊。生。李筌改作犀字。牛皮蒙之。下可藏十人。填隍推。土回切。之。直抵

城下。可以攻掘。金火木石所不能敗。李筌改作木石所不能及。謂之輶輻車。李筌改作首句。○凡力有餘者。攻先絕諸國之交。使無外救。糧多而人少。攻而勿圍。糧少

而人多。圍而勿攻。○通典卷一百六十○御覽三百三十七引作通典衛公兵法攻城戰具篇。今參合錄之。

以大木為牀。下置六輪。謂以拒輪為脚。即可推。上立雙牙。牙有檢。李筌作括。梯節長丈二尺。御覽引六段。有雲梯飛樓視城中也。又有四

梯。御覽注。音光。許洞同。又作稅。梯相去三尺。勢微曲遞。互。互、御覽作牙字本通。相檢。御覽作括。飛於雲閒。以窺城中。有。李筌作其。上城

梯。李筌無。首冠雙。李筌贊一雙字。輓輻。枕城而上。謂之飛雲梯。李筌改作首句。

以。御覽無。大木為牀。下安四獨。李筌無獨字。輪。上。御覽上有牀字。建雙陛。李筌作陛。陛。以牛革為障。閒橫檢。御覽有括字。李筌許洞無。中立獨

竿。武備志有云。竿首施羅匡木。上置砲梢。首如桔槔狀。其。李筌有高字。竿高下長短大小。以城為準。首。御覽首上有竿字。李筌同。以窺。王本作窺。盛

石大小。李筌作小大。多少。隨竿。御覽無。力所制人挽其端。而。御覽無。投之。其車。御覽無車字。推轉。逐便。而用之。亦可埋

脚著地。逐便。御覽無逐便。李筌同。而用。其旋風四脚。亦可。御覽無。隨事。而用。御覽李筌下有之字。謂之拋。唐順之武編作砲。車。李筌改砲車作

首句。

作軸軸、抽也。入轂中可抽出也。轉御覽作車車上定十二石弩弓殿本有以鐵鉤繩連御覽下有車行軸轉引弩弓持

滿弦御覽李筌下有牙上弩為七衢御覽作衝。許洞同。李筌書注云。中衢又作大許洞作箭一鏃李筌長七

寸廣李筌改五寸箭筈御覽作筈。李筌作箭。長三尺圍五寸以鐵葉御覽作鏃。音業。為羽左右各三箭次李筌作小於中

箭其牙一發諸箭齊起及七百步所中城壘無不摧隕李筌改作崩。潰。無下句。樓櫓亦顛墜謂之車弩李筌改作首句。○金人謂之划車。

弩牀見王允初守城錄。以木為脊長一丈徑一尺五寸下安六脚比轅轡車多二輪。下闊而上尖高七尺內李筌無可容六人以溼牛皮蒙

之人蔽其下李筌上有直抵城下木石鐵李筌作金。許洞作鐵。火所不能敗李筌作則用攻其城謂之小御覽作尖。李筌同。

頭木驢於城外起李筌作土為山乘城而上古謂之土山李筌書止今謂御覽無之壘道用生牛皮作小屋并四面

蒙之屋中置運土人以防攻擊者土山。即孫子所謂距闌也。鑿地道許洞上有地道二字。為道行於城下用攻其城柱往建柱積薪

於其御覽無柱圍御覽作而燒之柱折城摧御覽下多謂之

以八輪車李筌無上樹高竿竿上安轆轤李筌作以繩挽板屋止御覽許洞作竿首以窺城中板御覽作屋

方四尺高五尺李筌書二語有十二孔四面別李筌許洞布車可進退圍李筌作城而行於營中遠視亦李筌

字謂之巢車如鳥李筌作之巢即今之板屋也李筌

狀若

以板御覽作版為幔。立桔槔於四輪車上。懸幔逼城堞間。李筌無間字使趨捷者御覽注。太白陰經曰。使趨卒蔽之。足見其參李筌書也。蟻附

而上。矢石所不能及。謂之木幔。二字李筌首句。○通典一百六十○御覽三百二十七。

以小瓢盛油冠許洞作灌。矢端射城樓櫓板木。李筌無木字。上瓢敗油散。因燒矢鏃內斡中。李筌作後以火箭。射油散處。火

立然。李筌然改作焚。復以油瓢續之。則樓櫓盡焚。謂之火箭。二字李筌首句。○杜牧孫子注引火箭火杏等作兵法。

磨杏子李筌作核。中空以艾。李筌作內火。實之繫雀足上。加火薄暮羣放。李筌有之字。飛入城壘中棲宿。其積聚廬舍

須與火發。謂之火杏。李筌首句改作雀杏字。○通典一百六十○御覽三百二十一○攻城戰具。

軍行沙磧鹹鹵之中。之中下李筌作有水。謬極。有野馬黃羊蹤。尋之有水。李筌改作野鳥野羊之聚有水。非是。鳥作鳥。御覽誤鳥。鳥所集處有水。

地生葭葦蘆葦。御覽。吐敢反。菰蒲之處。下有伏泉。地有蟻壤之處。下有伏泉。通典一百五十七以在先據要地下未注明兵法。○御覽三百零六。

渴鳥隔山取水。以大竹筩去節。總要多二字。雄雌相接。勿令漏洩。以麻漆封裹。推過山外。就水置筩。入水五尺。

即於筩尾取松樺乾草當筩放火。火氣潛通水所。即應而上。

踰越山阻。以絙繫竿頭。引挂高處。礙固。總要多一能字。勝人便即令上。又增絙。次引人。又加大絙。續更汲上。則束

馬懸車。可以立力。他本作辦。識水泉隔山取水。感山渡險。○通典一百五十七軍行取水。

附武編煙尋泉法。武編云。入山遠道及砂磧之處。乏水者。掘一穴。容一二石許。用溼蓬艾滿中燒之。火滿而閉。留一穴相通。四望之。但見煙出處。不論遠近掘之。得泉脈也。如石山中。即近石掘之。如土山。

即草木掘之。砂磧擇高處掘之。此能救急。但煙出多水。惟深更妙。一食頃烟未出者。再開一穴求之。

城之不可守者大而人少小而衆多糧寡而柴水不供壘薄而攻具不足土疏地下灌漑可汎邑闕人疲修緝未就凡若此類速徙之王本作守拒法

壘高土厚城堅溝深糧實衆多地形阻險所謂無守而無不守也故曰善守者敵不知其所攻

凡築城李筌作古今度城之法者下闊與高倍上闊與下倍城高五丈下闊二丈五尺上闊一丈二尺五寸高下闊狹

以此爲準料功上闊下加闊李筌作以下闊加上得三丈七尺五寸半之李筌作乘之得一丈八李筌作七尺七寸五分以

高五丈乘之一尺李筌作丈之城積數得九十三丈七尺五寸每一功李筌作工日築土二尺李筌作丈計功約

四十七李筌作六一步五尺二字李筌無之城計二字李筌無役二百三十五李筌作七十八人一百步李筌作餘五丈計功二萬

三李筌作七千五李筌作八百李筌作二十人三百步計功七萬五百人率一里則十里可知其出土負簣王

他作賢並計之夫功之內以城中壯男爲一軍壯女爲一軍老弱爲一軍三軍無令相遇壯男遇壯女則志散而力不專遇老弱則老使壯者悲弱使強者憐悲憐在心則使勇人更慮壯夫不戰○此注本

商子語李筌取入太白陰經築城篇中通典采而附之李兵法者

凡敵欲攻即去城外五百步內井樹牆屋並填除之井有填不及王本作盡者投藥毒之木石甗瓦菱芻百

物皆收之入不盡者並焚除之其什物五穀糗糒魚鹽布帛醫藥功許洞作巧之具鍛冶秸藁茅

荻蘆葦灰沙鐵炭松樺蒿艾脂麻皮氈荆棘篋籬釜鑊盆瓮壘石木鋏斧錐鑿刀鋸長斧長刀長錐長鎌

長梯短梯大鈎連鑣連枷連棒白棒蘆竹爲稔之順反插以松樺城上城下咸先蓄積緣人閒所要公私事

物一切修緝。拋同石大小隨事。暑木長五尺。徑一尺。厚小至六七寸。

城外四面壕內。去城十步。更立小隔城。厚六尺。高五尺。仍立女牆。通典注。謂之羊馬城。

城門懸板木為重門。

城門扇及樓堦。以泥塗厚備火。李筌改作塗門。以泥塗門扇。厚五寸。以備火。○此條御覽在塗扇下小異。又見下文。

城門先造連拒馬鎗壯銳。以鑰連之。

城內面別穿井四所。置水車。大瓮二十口。竈十所。

卻敵御覽作樓櫓。上建堦御覽作候。樓以版御覽作板。跳出為櫓。御覽引止此。與四外烽戍。晝夜瞻視。

城李筌無城字。濠面闊二丈。深一丈。底闊一丈。以面闊加底李筌作闊。積數大半之。李筌作三丈。得數一丈五尺。以深

一丈乘之。鑿壕一尺。得數一十五丈。每一人功李筌作工。日出土李筌有土字。三丈。計一尺。功五人。一步五尺。

計功二十五李筌誤作三千。人十步。計功二百五十人。百步計功二千五百人。一里計功七萬五千人。以此為率。

則百里可知。李筌改此為鑿壕篇。

弩李筌無。臺總要作上狹下闊如城制。面闊一丈六尺。長三步。與城相接。臺上架屋。制如廠棚。三面垂以濡氈。以遮垂鏡板。高下與城等。去城許洞作地。百步。每臺相去亦

如之下闊四丈。高五丈。上闊二丈。上謝本誤下。建女牆。臺內通閘許洞作暗。道安屈膝李筌許洞同作膝。梯人上。便卷收

之。李筌作中設氈幕。置弩手李筌作卒。五人。總要作十人。備乾糧水火。等敵近城壘。則攢弩射其首將。李筌注。○案此即今炮臺所由來。似宜參以礮樓。如虛臺左右夾

擊。若今之外洋軍火。則必以布袋盛沙堵之。

城上一步一甲卒。十步加五人。以備雜供之要。五步有伍。宋本作五。長十步有什長。五十步百步皆有將長。

文武相兼。量材受任。而統領精銳。驍勇簡募。或十隊二十隊三十隊。大將副將各領隊巡城。曉諭激勵。赴救。

城上立四隊。別立四表。以為候視。若敵欲攻之處。則去城五六十步。即舉一表。檣梯逼城。舉二表。敵若登。

梯。舉三表。欲攀女牆。舉四表。夜即舉火如表。武編。夜則加火於表上。虞候賊隊。視舉表處急援。

城上四隊之閒。各置八旗。若須木擦。音稟。許洞。極。殿本。同。板舉蒼旗。須灰炭稇。許洞作銅。鐵舉赤旗。須插洞。

礮。木樵葦舉黃旗。須沙石。甄瓦舉白旗。須水湯。不潔舉黑旗。須殿本許洞同。戰士銳卒。舉熊虎旗。須戈戟弓。

矢。刀劍舉鶯旗。須皮氈麻鑠。許洞作鏃。鍬鏹斧鑿。舉雙兔旗。宋本。城上舉旗。主當之官隨色而供。城內老小。

丁。許洞作婦。女除營食之外。皆令應役。城上分為八隊。使識文者點檢常旗。備擬物為分。他本作八。部城內。上。

淮見通典。御覽作突門於城中。從此起。李筌亦同。對敵營。自鑿城內為闇。李筌作暗。門多少。臨事。李筌作時。令厚。李筌同。五六寸勿穿。或於。

李筌無。中夜。或。御覽有或字。李筌無。於敵初來。營列未定。精騎。李筌作銳卒。從突門躍。躍。殿本。王本同。出。擊其無備。襲其不。

意。

城門先自鑿扇為數十孔。出強弩射之。長矛刺之。則敵不得近門。棧以泥厚塗之。備火柴草之類。貯積泥。

城門先自鑿扇為數十孔。出強弩射之。長矛刺之。則敵不得近門。棧以泥厚塗之。備火柴草之類。貯積泥。

厚塗之防火箭飛火。通典一百五十二。

鑿門為敵所逼門。先自鑿門扇為數十孔。出強弩射之。以上李筌書同。長矛刺之。則敵不得近門。此上惟首句與通典小異。塗

棧。棧又作門。以泥塗門。上一作扇。木棧厚可五寸以備火。御覽三百三十七引陰經許洞略同。此從通典出。仍兩存之。

轉關橋一樑。樑作梁。李筌同。御覽下多為橋梁。(李筌無梁。)端着橫檢按。檢按。御覽作括。御李筌同。去其檢。御覽無檢。李筌無其檢。橋轉關。御覽無人

馬不得過度。過度。御覽作渡。李筌同。皆傾水中。御覽無中字。李筌同。下多秦用此橋而殺燕丹之句。出李筌書。無稽。

筓。音毗。御覽無。籬戟格。戟。謝本作戰。誤。於女牆上跳出椽。李筌無。御覽作去。李筌同。牆三尺著。御覽作內。李筌同。橫檢。御覽作括。李筌同。搯安錯。

前。端安轉關。李筌注。以荆柳編為。李筌無。之長一丈闊五尺。縣安。御覽無。搯。李筌作于椽。御覽無。用遮。李筌作以蔽。御覽無。矢

石。通典一百五十二。御覽三百三十七。

布幔。御覽有以字。複布為之。之。御覽作幔。以弱竿懸。掛於女牆。御覽多外去牆外。李筌無。外字七五字。許洞亦同。八尺。御覽有以字。李筌無。折

拋。一作砲。石之勢。則矢石不復及牆。此句李筌無。餘略同御覽。

木弩以黃連桑柘為之。御覽作弩。弓長一丈二尺。徑七寸。兩梢三寸。御覽有以字。絞車張之。大矢自副。御覽無此二字。一

發聲如雷吼。李筌有以字。敗隊之。李筌無之字。卒。

燕尾炬。縛葦草為之。御覽作炬。李筌本無。分為兩。李筌作二。歧如燕尾狀。二字李筌無。以油燭。許洞作燭。灌之。加火。從

城。李筌有上字。墜下。使人。使人。御覽作便。李筌改作跨。騎木驢而燒之。此專以制木驢攻城。如草溼或阻。更以鑊融鐵汁施之。潰爛須臾。

松明李筌作炬。御覽有以木明。李筌作松木燒之夜六字。以鐵鑱又作索。絕下巡城點李筌同。照恐御覽無恐。敵人夜中御覽無夜中。李筌作乘暗上城。乘城

而上以下御覽無。夜中城外每三十步縣大鐙於城半腹置警犬於城上吠之處即須加備

脂李筌作暗。油御覽有。炬御覽多燃登秉燭四字。李筌同。於城中四衢要路門戶晨夜不得李筌無得字。絕明用李筌上有以字。備非常

行鑪融李筌上有常字。鐵汁爐殿本無。許洞作鑪字。昇行御覽多於城上三字。李筌同。以灑敵人游火御覽作火以。李筌無人及以字。鐵筐盛火加脂蠟

御覽作鑪。鐵御覽作索字。縣李筌上有索字。絕李筌有墜城二字。下燒李筌下有孔字。穴中腔御覽作孔。李筌作掘。城人

灰李筌上有石字。麩李筌無麩字。糠粃因風於城上擲李筌作揚。之以眯敵御覽多人字。李筌同。目因以鐵汁灑之

連挺御覽作棒。如打禾連枷狀用二字李筌無。打女牆外李筌無外字。上城敵人

斂一本作杖。竿如槍刃為李筌作有。兩歧又用飛梯及李筌作上及。人

鈎竿如李筌作有。槍御覽有刃。兩旁李筌作邊字。有曲刃刃。李筌作鈎。可以鈎鈎。李筌作鈎。物御覽作搭。

油囊盛水於城上擲安李筌作出字。火車中囊敗火滅御覽作盛。

天井敵攻城為地道來返李筌作攻反。自於地道上直下穿井以邀之積薪安李筌無安字。井中加御覽無加字。火薰之

敵人自焦灼李筌下有矣字。

地聽於城內八方許洞作四隅。穿御覽作鑿。井各深二丈以新罌許洞作罌。用薄皮覆口如鼓使聰耳者於井中許洞作

字。託罌而聽則去城五百步內悉知之審知穴處助鑿迎之與外相遇即就以乾艾一石燒令煙出以



板於外密覆穴口勿令煙洩仍用韜袋鼓之又先為桔槔縣鐵鎖長三丈以上束柴葦焦草而燃之墜於城外所穴之孔以煙燻之敵立死

地聽於城內八方穿鑿李筌無鑿字井各深二丈令李筌有人字頭覆戴新甕又作甕於井中坐聽則城外李筌有五字

百步之內有李筌有掘字孔城地李筌無地字道者並聲李筌無聲字聞李筌有于字甕中而辯知方所近遠矣兵法以設甕聽以瞽目

人司之

城上八隊之間安轉關小拋同砲二機關大拋一雲梯撞拋等其許洞無其字閒先從城身用木出跳許洞有跳出

為重女牆高於上女牆五寸以上以板覆其上隨事緩急而開閉之敵若以大石擊牆樓石下之處出跳

空中縣生皮氈毯等袋以乘其石城內人家咸令置水防火先約失火者斬火發之處多恐奸許洞有姦人

放火但令便近主當八部官人領老小丁許洞有婦女救之火起所部急白大將大將領親信人左右救火

城中有卒驚及雜人城上不得輒離職堂亂殿本有走字街巷者斬敵若推輪排來攻先以許洞有手字拋石打手

拋既衆所中必多來者被傷力不齊矣

凡攻城之兵禦捍矢石頭戴盔許洞有盔帽仰視不便袍甲厚重進退又難前既不得上城退則其師他本

帥作逼迫人衆煩鬧我作轉關女牆騰出城外以轆轤墜鐵索索頭安鐵鴟卻當聚鬧之處擲下撥人

敵若兵衆氣盛將卒有疑即迴易左右前後或替一日再動或數夜夜武編不移審察安危隨時變改飛

書檄必誘我人速封馳送。大將每夜巡城，皆改易契令，信人持偽契，巡行所由，不覺罰之，覺則送使。有外往來，主司押領，上使輒不得問其事，由外人輒不得與語。

敵若縱火焚樓堞，以麤竹長一丈，搜音去節，以生薄皮合縫為袋，貯水三四石，將筒納放袋內，急縛如

濺筒，令壯士三五人撮水口，急蹙之救火，每門常貯兩具，如無竹，以木合筒。許洞作桶漆之而用，並小濺筒

二十具，兼助之。門內常以瓮貯水，添用。魏源城守策防火攻法甚備

敵若推輦車，我作麤鐵環，並屈桑木為之，用索相連，輦頭適到，速以鑲串輦。許洞作撞頭於其傍便處，分令

壯士牽之，翻倒弓弩兩射，自然敗走。

敵若木驢攻城，用鐵蒺藜下而敦之，其法以熟鐵闊徑尺，長一尺二寸，四條縱橫，布如蒺藜形，鎔生鐵灌

其中央，重五十斤，上安其鼻，連鑱擲下敦訖，以轆轤拘上，若木驢上有牛皮并泥，敦著即舉，速放火炬，灌

油燒火。即前燕尾烟法

凡敵攻城，多背旺相，起土為臺，我於城內薄築，長高於敵臺一丈已上，即自然制彼。謝本作使無所施力，

又於城上以木為棚，容兵一隊，作長柄鐵鈎、陌刀、錐、斧，隨要便以為之備。若敵攀女牆躡身，待其身出，十

鈎齊搭，掣入城中，斧刀助之。

城若卑地下，敵人壅水灌城，速築牆。武編有壁字壅諸門及陷穴處，更於城內促圍。今本作圍許洞作爲周市。許洞作匝武編同

視水高中而許洞作下狹。武編同。闊別築武編上有別字。牆武編上有闊字。牆許洞無牆字。武編同。外取土高一丈以上城立立後於牆

內取土而薄築之精兵備城不得雜役如有洩水之處即十步為一井井內潛通引洩漏城中速造船一

二十隻簡募解舟楫者載以弓弩鉞鏹許洞作鐵。每船載三十人自武編有開字。暗門銜枚而出潛往斫營決彼

隄堰覺即急走城上鼓噪武編有以精銳三字。急出兵助之武編又云。所選之士。須兼習水戰。度力不足。則加船以追。

敵有驍勇衝門入來門內多穿坑窞又於重牆內卒出其不意敵必旁走自入窞中此防入城。

城門外簡擇健卒貯備器具看敵懈怠即開門驍勇齊擊乘馳謝木作驕。逐北不得過二百步緩急城上應

接易為。

敵攻日久衆巧俱施蟻附緣城不惜士衆野無所得糧路又絕兵衆離心將帥懈倦必精兵擁守防我城

門我當乘閒驍雄四出與城上人應期內外齊攻專精與疲怠者尤絕必須審察賊多偽謀其所穴之孔

於城內深門為坑坑上安轉關板橋若敵入來得三五十人後啓發機關自然先斃。

鐵箋御覽有杖字。狀如鐵李筌無鐵字。蒺藜御覽作藜。要路水中置之以刺人馬李筌添之足二字。

陷馬坑御覽多一坑字。長五尺闊一尺深三尺坑中埋鹿角槍竹籤李筌作埋槍。載坑中。其坑似李筌無似字。亞李筌作十字。字相

連御覽上五字。作十字相交。狀如鈎李筌作勾字。鑽以草及細塵覆其上御覽依李作覆以芻草葦木。加之。土種草實。合生苗蒙覆其上。軍李筌無軍字。城營壘

李筌無壘字。要路皆李筌無皆字。設之御覽注又引衛公兵法曰。坑如亞字相連。以草及細塵覆其上。

拒李筌有馬槍以木徑二尺長短隨事事字李筌作用許洞作時十字鑿孔縱橫安檢御覽作括又注云一作檢明是引通典衛公兵法校李筌本也

長一丈李筌無此三字銳其端可以塞城中御覽李筌皆無中字門巷御覽李筌皆無巷字要路御覽此下有巷字李筌無人馬不得奔馳李筌添於

木柵為敵所逼不及築城壘或因山河險勢勢李筌許洞同作隘多石少土不任板堞堞李筌作乃李筌作建立

李筌無木為之為之二字御覽總要李筌皆作柵方圓高下隨事事許洞作時深李筌多一淺字埋木根許洞作棍重複彌縫其闕內重李筌

作為御覽短御覽有木字為閣御覽作閣道外柱木御覽總要作柱一李筌作重李筌作之出四尺為女牆皆泥塗之總要下接

柵外掘壕一重闊二丈深一丈云云內七尺又立閣道上七字李筌無內柱上布板木為棧立欄殿本作柵字杆李筌無杆字御覽作竿下有行字許洞同

於柵上懸御覽作懸門壅御覽作壅牆四字李筌無壕御覽作壕塹拒又作柵馬御覽有防字守一如李筌有守字城壘法守拒法通典

水槽李筌作水平且水灌城本非上策易失民心用之者恆不良於死長二尺四寸兩頭及中間鑿為三池池橫闊一寸

八許洞作縱闊一寸深一寸三分池間相去一尺五分李筌作中間有通水渠闊二分深一寸三分李筌

脫三池各置浮木王本無下木字闊狹微小於池筐厚三分上建立齒高八分闊一寸七分厚一分槽下為

武編作轉關脚高下與眼等以水注之三池浮木齊起眇目視之三齒齊平則李筌作為高下準或十步

或一里乃至數十里目力所及置照版度竿亦以白武編作繩計其尺寸則高下丈尺分寸可知謂之水

一百五十二

武編作

平。釋典一百六十水平及戰具。○御覽三百二十一。

照版形如方扇。長四尺。下二尺黑。上二尺白。面許洞武編同闊三尺。柄長一丈。王本。今作尺。大可握。

度竿。長二丈。刻作二百寸二千分。每寸內小刻五字李筌無。其分隨向遠近高下立竿。以照版映之。眇目視三

浮木齒及照版。謝本誤缺。以度竿上尺寸為高下。遞王木作遞而往視。尺寸相乘。則山岡溝澗水源。下高深淺

以分寸而李筌作尺度。

水戰之具。其船闊狹長短。隨用大小。平聲許洞作載。人多少。皆以米為率。一人重米二石。其楫棹篙櫓帆席纒

索。沈石調度。與常船不殊。

樓船。李筌無。船上建樓三重。列女牆。戰格。樹幡。李筌作旗。開弩窗。矛李筌作穿。穴。置拋砲也。車壘。櫓同。石。李筌作木。

鐵汁。狀如城壘。忽遇暴風。人力不能制此。亦非便於事。然為水軍不可不設。以成形勢。案此一條。李筌改作水戰具篇之序。

蒙衝。釋名作蒙衝。云以衝突敵船。以生牛皮蒙船覆背。兩廂開掣棹孔。前後一字王本有。左右有弩窗。矛穴。敵不得近。矢石

不能敗。李筌作及。此不用大船。務於疾速。李筌改作速進速退。乘人之不及。非戰之船也。

鬪李筌作戰。艦。釋名。上下重板曰艦。四方施板。以禦矢石。船上設女牆。可高三尺。牆下開掣棹孔。船內五尺。又建棚。許洞作棚。與女

牆齊。棚上又建。李筌多棚為二字。女牆重列戰敵。李筌作格。上無覆背。前後左右。樹牙旗。幡。幟。金鼓。此戰船也。

走舸。舸上立女牆。置棹夫。李筌改卒。多戰卒少。皆選勇力精銳者。往返如飛。鵬。王本。今作鷗。乘人之不及。金鼓旗

幟列之於上。此戰船也。

游艇。釋名。二百斛以下曰艇。李筌加以備探候四字。無女牆。舷上置槳床。左右隨大小長短。四尺一牀。御覽牀八尺。計會進止。迴軍轉

陣。其疾如風。虞候居之。非戰船也。

海鷗。頭低尾高。前大後小。如鷗之狀。舷下左右置浮版。形如鷗翹翼。以助其船。四字李筌無。雖風濤漲天。免有

傾側。覆背上。左右張生牛皮為城。牙旗金鼓如常法。此江海之中戰船也。以上御覽三百三十四。

軍行遇大水。河渠溝澗。無津梁舟筏。以木髡渡。用御覽作以。引從此起。木縛罍。謝本作筮。御覽作罍。受二石。力勝一人。罍閒闊

五寸。底以繩勾聯。編槍於其上。形長而勿。謝本作勿。方前置拔頭後置稍。御覽作稍。左右置棹。又用槍棧。謝本作棧。

槍十根為一束。一束。王本御覽則作力勝。一人。四千一百六十六根。即成一棧。謝本作束。皆去鑽刊。御覽作刃。謝本因誤加刃字。以

束為魚鱗次。橫檢。李筌作括。而縛之。可渡四百一十六人。以此為率。用少用濟。以上御覽引作太白陰經濟水具篇。無以此為率八字。其增減通典之迹。

具見。

又用蒲棧。以蒲九尺。圍顛倒成。王本御覽缺。謝本作為。束十道。縛以束槍為棧。量長短多少。無蒲亦用葦棧。量大小

以濟人。

又用挾緝以善游。御覽作水。者。繫小繩先浮渡水。次引大緝。於兩岸立大檝。武編作柱。急定緝。使人挾緝浮渡

大軍。二字李筌無。可為數十道。

舊唐書李靖傳考證 汪宗沂取附衛公兵法後

李靖、本名藥師。

衛公碑、新唐書、冊府元龜、均作字藥師。蓋後以爲字。又按名人年譜。衛公生於周武帝太和六年辛卯。雍州三原人也。

屬京兆。今西安府。碑云。隴西成紀人。林侗謂公嘗爲令三原。或因而家焉。祖崇義。後魏殷州刺史永康公。父詮。隋趙郡守。靖姿貌瓌偉。少有文武材略。

通鑑。少字下多負志氣三字。

每謂所親曰。大丈夫若遇主逢時。必當立功立事。以取富貴。

冊府作嘗曰。大丈夫若遇明君。撥亂膺期。當建功名。寧作章句儒耶。按太平廣記。引國史記。及劉餗隋唐嘉話云。衛公李靖。始困於貧賤。因過華山廟。訴於神。且請告以官位所至。辭色抗厲。觀者異之。佇立良久。乃去。出廟門百許步。聞後有大聲曰。李僕射好去。顧之不見人。後竟至端揆。而鄭露赤雅云。李衛公少年。憤隋亂。上書西嶽。文最激昂。後爲桂州行軍總管。刻於句漏。其真蹟用黃絹書。上半元時燬於火。後半餘四十字。筆法逾勁。其波掠處。如快劍斫馬。今入獠女雲鞞娘家。予跋其後。

其舅韓擒虎號爲名將。每與論兵。未嘗不稱善。撫之曰。可與論孫吳之術者。惟斯人矣。

通鑑作可與言將帥之略者。獨此子耳。

初仕隋。爲長安縣功曹。後歷駕部員外郎。

新唐書作仕隋爲殿內直長。碑云。爲隋汲縣令。歷三原。安陽。考績連最。

左僕射楊素。吏部尙書牛宏。皆善之。素嘗拊其牀。謂靖曰。卿終當坐此。

洪容齋隨筆。謂靖上急變。高祖定京師。將斬之而止。必無先識太宗事。且煬帝在江都時。楊素已死十餘年矣。杜光庭虬鬚客傳。大抵皆妄云。王曇仲瞿題安吉金鐘山李王廟詩。并書夫人寢碑。辨小說虬鬚客傳之誣云。公爲韓擒虎外甥。初見楊素。卽有拊牀推坐之目。是必無私其侍姬。爲中公巫臣之爲者。小說欲以英雄推夫人。故重誣衛公矣。詩以辨之。我讀虬鬚傳不然。夫人故冢象祁連。衛公謹畏如平日。越國房韓。況晚年。侍史忍辭袁盎去。舍人深負孟嘗賢。唐書兩種難憑信。況是虞初九百篇。按唐人行

卷·多作小說以見才邀知。如今人傳奇院本。大抵多空中結構。虬鬚客傳。亦其一也。

大業末。累除馬邑郡丞。會高祖擊突厥於塞外。靖察高祖知有四方之志。因自鑱上變。將詣江都。至長安。道塞不通。而止。高祖克京城。執靖。將斬之。靖大呼曰。公起義兵。本爲天下除暴亂。不欲就大事。而以私怨斬壯士乎。高祖壯其言。太宗又固請。遂舍之。太宗尋召入幕府。



劉餗隋唐嘉話王讜唐語林均云隋大業中李衛公上書高祖終不爲人臣請速除之後高祖入京城靖與滑儀衛文升等俱見收衛滑既死太宗慮囚見靖引與語固請於高祖而免之按此說未甚確高祖入長安時衛文昇已前死所戮者陰世師滑儀等耳衛公亦未嘗俱收也

武德三年從討王世充以功授開府

冊府作在武德二年者誤新書討作平按竇建德救洛陽惟郭孝恪及記室薛收決策據成皋以待敵卒勝之而衛公不言者蓋新附孤立不欲以材智先人假他人主其議耳觀薛收之策識時審勢非文士所及當出公授意

時蕭銑據荊州遣靖安輯之輕騎至金州遇蠻賊數萬屯聚山谷盧江王瑗討之數爲所敗靖與瑗設謀擊之多所克獲既至硤州阻蕭銑久不得進高祖怒其遲留陰敕硤州都督許紹斬之紹惜其才爲之請命於是獲免

通鑑作唐主遣開府李靖詣夔州經略蕭銑靖至峽州阻銑兵不得進唐主陰敕峽州刺史安陸許紹斬之紹惜其才爲之奏請得免

會開州蠻首冉肇則反率衆寇夔州趙郡王孝恭與戰不利靖率兵八百襲破其營後又要險設伏臨陳斬肇則俘獲五千餘人高祖甚悅謂公卿曰朕聞使功不如使過李靖果展其效因降璽書勞曰卿竭誠

盡力功效特彰。遠覽至誠。極以嘉賞。勿憂富貴也。又手敕靖曰。既往不咎。舊事吾久忘之矣。

案峽州今宜昌府。趙郡王通鑑作郡公。襲破其營。冊府改營作城。非是。

四年。靖又陳十策以圖蕭銑。高祖從之。授靖行軍總管。兼攝孝恭行軍長史。高祖以孝恭未更戎旅。三軍之任。一以委靖。

通鑑云。峽州兵伐梁。拔荆門鎮。黔州兵伐梁。又拔其五州四鎮。至是。靖說孝恭。攻取蕭銑十策。孝恭上之朝。又云。靖說孝恭。悉召巴蜀酋長子弟。量才授任。置之左右。外示宏擢。實以爲質。又唐書孝恭傳云。孝恭獻平銑之策。兩事互見。知衛公實因孝恭得上所獻策也。冊府作三年詔以孝恭爲夔州總管。使大造舟艦。教水戰。使靖爲行軍總管。委以軍事。通鑑作九月詔發巴蜀。以趙郡王孝恭爲荆湘道行軍總管。李靖攝行軍長史。統十二總管。自夔州順流東下。新書作九月拔荆門。宜都。乃四年九月靖進兵時事。

其年八月。集兵於夔州。銑以時屬秋潦。江水泛漲。三峽路險。謂靖必不能進。遂休兵。不設備。九月。靖乃率師而進。將下峽。

通鑑作時峽江方漲。

諸將皆請停兵。以待水退。靖曰。兵貴神速。機不可失。今吾兵始集。銑尙未知。若乘水漲之勢。倏忽至其城。

下所謂疾雷不及掩耳。此兵家上策。縱彼知我。倉卒徵兵。無以應敵。此必成禽也。孝恭從之。

通鑑作蕭銑鄂州刺史。以魯山來降。趙郡王孝恭帥戰艦二千餘艘東下。銑以江水方漲。殊不爲備。孝恭等拔其荆門、宜都二鎮。

鄂州。今武昌府。魯山在其西北岸。荆門鎮。在荆門山下。宜都。今宜昌府。卽夷陵也。

按疾雷不及掩耳。此兵家上策。語出太公兵法。今六韜中亦有之。王頰勸楊諒長驅深入。亦引之。新書改爲雷霆不及掩聰。非衛公引書本旨也。

進兵至夷陵。銑將文士宏率精兵數萬屯清江。孝恭欲擊之。靖曰。士宏銑之健將。士卒驍勇。今新失荆門。盡兵出戰。此是救敗之師。恐不可當也。宜且泊南岸。勿與爭鋒。待其氣衰。然後奮擊。破之必矣。孝恭不從。留靖守營。率師與戰。賊合戰。孝恭果敗。奔於南岸。賊委舟大掠。人皆負重。靖見其軍亂。縱兵擊破之。獲其舟艦四百餘艘。斬首及溺死將萬人。

通典作孝恭遣靖按營。自以銳師水戰。語更詳。册府作靖止之曰。楚人輕銳。難與爭鋒。今新失荆門。盡兵出戰。此救敗之師也。非其本圖。勢不能久。一旦不戰。敵必兩分。留輕兵以抗我。退羸師以自守。此卽勢攜力弱。擊之必捷。語尤明暢。通鑑作孝恭先擊破文士宏兵數萬於清江。追奔至百里洲。又敗之。進入北江。降銑江州總管。而以屯兵南岸。救敗取勝。爲銑悉見兵出拒戰之時。與情事不合。蓋文士宏所

屯者。精兵不易破。而屢敗之後。烏合之衆。何堪拒戰哉。又通典作委舟收掠軍資。御覽作賊委舟大掠。史傳脫委字。清江在長陽縣。卽夷水也。

孝恭遣靖率精兵五千爲先鋒。至江陵。屯營於城下。士宏旣敗。銑甚懼。始徵兵於江南。果不能至。孝恭以大軍繼進。靖又破其驍將楊君茂、鄭文秀、俘甲卒四千餘人。更勒兵圍銑城。明日銑遣使請降。靖卽入據其城。號令嚴肅。軍無私焉。

通典冊府御覽作仍率所部星馳進發。營於荊州城下。又乘勝進入其外郭。攻其水城。克之。悉取其舟。艦散江中。諸將皆諫曰。虜得賊船。當藉其用。何爲棄之。無乃資賊耶。靖曰。蕭銑之地。南出嶺表。東拒洞庭。吾懸軍深入。若攻城未拔。援兵四集。吾表裏受敵。進退不獲。雖有舟楫。將安用之。今棄使蔽江而下。援兵見之。必謂江陵已破。未敢輕進。往來覘伺。動淹旬月。吾取之必矣。銑救兵至巴陵。見船被江而下。果狐疑不敢輕進。銑衆莫不震懼。遂圍城數重。銑內外阻絕。城中疑貳。由是懼而出降。

時諸將咸請孝恭云。銑之將帥。與官軍拒戰死者。臯狀旣重。請籍沒其家。以賞將士。靖曰。王者之師。義存弔伐。百姓旣受驅逼。拒戰豈其所願。且犬吠非其主。無容同叛逆之科。此蒯通所以免大戮於漢祖也。今新定荊郢。宜宏寬大。以慰遠近之心。降而籍之。恐非救焚拯溺之義。但恐自此以南。城鎮各堅守不下。非計之善。於是遂止。江漢之域。聞之。莫不爭下。以功授上柱國。封永康縣公。賜物二千五百段。詔命檢校荆

州刺史承制拜授乃度嶺至桂州遣人分道招撫其大首領馮盎李光度寧真長等皆遣子弟來謁靖承制授其官爵凡所懷輯九十六州戶六十餘萬優詔勞勉授嶺南道撫慰大使檢校桂州總管

通典擧狀既重上無死者二字碑作平江陵授公嶺南安撫大使通鑑作諸將欲大掠以岑文本言於孝恭禁止之諸將又言梁之將帥與官軍戰鬪死者云云靖曰彼爲主鬪死乃忠臣也豈可同叛逆之科藉其家乎於是城中安堵秋毫無犯南方州縣聞之望風款附銑降數日援兵至者十餘萬聞江陵不守皆釋甲而降

十六年冊府作六年十字衍輔公柝於丹陽反詔孝恭爲元帥靖爲副以討之李勣任瓌張鎮州黃君漢等七總管並受節度師次舒州公柝遣將馮惠亮率舟師三萬屯當塗

公柝本傳作屯博望山即太平府之東梁山通典作柝斷江口傍江築城

陳正通徐紹宗領步騎二萬屯青林山

冊府作據當塗南路亦造柵自固並蓄勢養銳以抗大軍通鑑亦作三萬青林山即當塗之青山

仍於梁山連鐵鑠以斷江路築卻月城延袤十餘里與惠亮爲犄角之勢孝恭集諸將會議皆云惠亮正通並握強兵爲不戰之計城柵既固卒不可攻請直指丹陽掩其巢穴丹陽既破惠亮自降孝恭欲從其議靖曰公柝精銳雖在此水陸二軍然其自統之兵亦皆勁勇惠亮等城柵尙不可攻公柝既保據石頭

豈應易拔。若我師至丹陽。留停旬月。進則公祐未平。退則惠亮爲患。此便腹背受敵。恐非萬全之計。惠亮正通。皆是百戰餘賊。必不憚於野戰。止爲公祐立計。令其持重。但欲不戰以老我師。今欲攻其城柵。乃是出其不意。滅賊之機。唯在此舉。孝恭然之。靖乃率黃君漢等先擊惠亮。苦戰破之。殺傷及溺死者萬餘人。惠亮奔走。靖率輕兵先至丹陽。公祐大懼。先遣僞將左遊仙領兵守會稽。以爲引援。公祐擁兵數萬。棄城而走。以趨遊仙。至吳郡。與惠亮、正通並相次禽獲。江南悉平。

册府作公祐不敢復戰。擁兵東走。並相次擒獲。

通鑑作又結壘江西以拒官軍。又云。孝恭與李靖帥舟師次舒州。李世勣率步卒一萬度淮。拔壽陽。次硤石。惠亮等堅壁不戰。孝恭遣奇兵絕其糧道。惠亮等軍乏食。夜遣兵薄孝恭營。孝恭堅臥不動。又云。我今攻其城以挑之。一舉可破也。孝恭然之。使嬴兵先攻賊營。而勒精兵結陣以待之。攻壘者不勝而走。賊出兵追之。行數里。遇大軍。與戰。大破之。轉戰百餘里。博山、青林兩戍皆潰。惠亮、正通等遁歸。胡三省謂李公此議與長孫無忌安市之議略同。而李靖決勝。太宗無功。及安市班師。靖咎其不能用道宗之策。此用兵所以難也。案高麗一役。誤於李勣不從先攻建安之策。無忌不從先攻烏骨之策也。烏骨無備。丹陽有備。事勢本不同。不可以無忌與公並論。

於是置東南道行臺。拜靖行臺兵部尙書。賜物千段。奴婢百口。馬百匹。其年行臺廢。又檢校揚州大都督。

府長史丹陽連羅兵寇。百姓彫弊。靖鎮撫之。吳楚以安。

時以孝恭爲行臺右僕射。

八年突厥寇太原。以靖爲行軍總管。統江淮兵一萬。與張瑾屯大谷。時諸軍不利。靖衆獨全。尋檢校安州大都督。高祖每云。李靖是蕭銑輔公祐膏肓。古之名將。韓白衛霍。豈能及也。

御覽。八年七月。頡利領十餘萬騎。大掠朔州。又襲張瑾於太原。瑾全軍沒。脫身奔於李靖。靖出師拒戰。頡利不得進。屯於并州。太宗率師討之。次蒲州。頡利引去。通鑑作張瑾與突厥戰於大谷。全軍覆沒。行軍長史中書侍郎溫彥博被執。

九年突厥莫賀咄設寇邊。徵靖爲靈州道行軍總管。頡利可汗入涇陽。靖率兵倍道趨豳州。邀賊歸路。旣而與虜和親而罷。太宗嗣位。拜刑部尙書。并錄前後功。賜實封四百戶。貞觀二年。以本官兼檢校中書令。隋唐嘉話。及唐語林云。武德末年。突厥至渭水橋。控弦四十萬。太宗初親庶政。驛召李衛公問策。時發諸州府軍未至。長安居人勝兵者。不過數萬。突厥精騎衝突。挑戰日數十合。帝怒。欲擊之。靖請傾府庫賂以求和。潛軍邀其歸路。帝從其言。突厥兵遂退。於是據險邀之。虜遂棄老弱而遁。獲馬數百匹。金帛一無遺焉。通鑑。八月丙子。突厥寇并州。京師戒嚴。渭橋一役。太宗命長孫無忌。李靖。伏兵於豳州。以待之。

三年轉兵部尙書。

劉餗隋唐嘉話太宗將誅蕭牆之惡以匡社稷謀於衛公李靖靖辭謀於英公徐勣勣亦辭帝以是珍此二人又云太宗燕見衛公常呼爲兄不以臣禮。

突厥諸部離叛朝廷將圖進取以靖爲代州道行軍總管率驍騎三千自馬邑出其不意直趨惡陽嶺以逼之突利可汗不虞於靖見官軍奄至於是大懼相謂曰唐兵若不傾國而來靖豈敢孤軍而至一日數驚靖候知之潛令閒諜離其心腹其所親康蘇密來降四年靖進擊定襄破之獲隋齊王暕之子楊正道及煬帝蕭后送於京師可汗僅以身遁以功進封代國公賜物六百段及名馬寶器焉太宗嘗謂曰昔李陵提步卒五千不免身降匈奴尙得書名竹帛卿以三千輕騎深入虜庭克復定襄威振北狄古今所未有足報往年渭水之役。

通鑑上以代州都督張公謹陳突厥可取之狀有六因謂頡利旣請和親復援梁師都命兵部尙書李靖爲行軍總管討之以張公謹爲副。

自破定襄後頡利可汗大懼退保鐵山遣使入朝謝罪請舉國內附方自入朝又以靖爲定襄道行軍大

唐書宰相世系表

總管往迎頡利頡利雖外請朝謁而潛懷猶豫。

册府作頡利雖請入朝猶持兩端待草青馬肥將踰沙蹟通鑑以授大總管在三年又紀此事於遣唐



儉後。

其年二月太宗遣鴻臚卿唐儉冊府作戶部尚書將軍安修仁慰諭靖揣知其意謂將軍通典御覽皆作副將張公謹曰詔使

到彼虜必自寬通鑑作若遂選精騎一萬齎二十日糧引兵自白道通鑑作往襲之通鑑作不戰可擒矣公謹曰詔許其

降行人在彼未宜討擊。

按冊府張公謹傳陳突厥有可取之狀以代州都督為靖副將而臨事乃遲疑如此又冊府引舊唐書

李勣傳以為斯計出自勣并謂靖扼腕喜曰公之此謀乃韓信滅田橫之策於是定計云云似非事實

通鑑謂靖引兵與李勣會白道情事亦未合謂勣軍於磧口頡利至不得度方合蓋勣方出雲中大破

突厥於白道軍扼磧口虜五萬餘口是其功也不得分衛公決策之功由勣當國久史多附會致失實

耳。

靖曰此兵機也時不可失韓信所以破齊也如唐儉等輩何足可惜督軍疾進師至陰山遇其斥侯千餘

帳皆俘以隨軍頡利見使者大悅不虞官兵至也靖軍將偪其牙帳十五里虜始覺頡利畏威先走部衆

因而潰散靖斬萬餘級俘男女十餘萬殺其妻隋義成公主頡利乘千里馬將走投吐谷渾通鑑作任城王道宗引兵

之逼西道行軍副總管張寶相禽之以獻。

通典作靖前鋒乘霧而行將逼其牙帳七里蘇定方傳作正道府折衝蘇定方率二百騎去賊一里許。

望見其牙帳。馳掩殺數十百人。李勣傳云。勣屯軍磧口。頡利餘軍不得度磧。

俄而突利可汗來奔。

通典作降。

遂復定襄常安之地。斥土界自陰山。北至於大漠。太宗初聞靖破頡利大悅。

謂侍臣曰。朕聞主憂臣辱。主辱臣死。往者國家草創。太上皇以百姓之故。稱臣於突厥。朕未嘗不痛心疾首。志滅匈奴。坐不安席。食不甘味。今者暫動偏師。無往不捷。單于款塞。恥其雪乎。於是大赦天下。酺五日。御史大夫溫彥博害其功。譖靖軍無綱紀。致令虜中奇寶散於亂兵之手。太宗大加責讓。靖頓首謝。久之。太宗謂曰。隋將史萬歲破達頭可汗。有功不賞。以罪致戮。朕則不然。當赦公之罪。錄公之勳。詔加左光祿大夫。賜絹千匹。真食邑通前五百戶。未幾太宗謂靖曰。前有人讒公。今朕意已悟。公勿以爲懷。賜絹二千匹。拜尙書右僕射。

新書譖者爲蕭瑀。通鑑同。此作彥博。宋孔平仲續世說亦作溫彥博。彥博於是年二月己爲中書令。三月方擒頡利。似蕭瑀爲近。唐宰相世系表。御史大夫蕭禹。七月癸酉。罷爲太子少傅。八月甲寅。以李靖爲尙書右僕射。則讒公者爲蕭瑀無疑。且彥博曾爲敵執。何顏進讒。或瑀之譖出於彥博授意。則未可知。觀議區處突厥降衆一事。太宗獨從彥博之策。其時正蒙主眷。則嫉公功者。或彥博主持也。案孫甫唐史論斷曰。太宗之明。李靖之賢。君臣之心。可無閒矣。況靖深入虜地。方成大功。安得容讒人之言。且謂靖軍無綱紀。致以虜中奇貨散於亂兵之手。此不識事體之言也。靖善用兵。法令素整。以少精騎。深

入虜中。無綱紀。安得能成功乎。虜中奇貨。若果有之。散之兵衆。正得其宜。突厥凌中國久矣。一旦平之。張天威。雪國恥。安邊寧人。非靖盡心。兵衆盡力。何以成此功。且寶貨散之軍衆。是上不奉君欲。下足恩衆心。故謂正得事宜。但不知寶貨之果有無耳。太宗爲君。何至以奇寶爲意。猜疑賢將。尙賴仁明之德。不行重責。靖之忠誠。無所缺望。不然。君臣之間。兩有大過矣。及數月。始悟其事。命靖爲相。亦足光其功德。宜罪讒人以戒於後世可也。

靖性沈厚。每與時宰參議。恂恂然似不能言。八年。詔爲畿內道黜陟大使。伺察風俗。尋以足疾。上表乞骸骨。言甚懇至。太宗遣中書侍郎岑文本謂曰。朕觀自古已來。身居富貴。能知止足者甚少。不問愚智。莫能自知。才雖不堪。強欲居職。縱有疾病。猶自勉強。公能識大體。深足可嘉。朕今非直成公雅志。欲以公爲一代楷模。乃下優詔。加授特進。聽在第攝養。賜物千段。尙乘馬兩匹。祿賜國官府佐。並依舊給。患若小瘳。每三兩日。至門下中書平章政事。九年正月。賜靖靈壽杖。助足疾也。

宰相世系表作八年十月丙寅。詔靖三兩日一至門下中書平章政事。又八年十一月辛未。李靖罷爲特進。案衛公爲僕射。君集爲兵部尙書。自朝還省。君集馬過門數步不覺。靖謂人曰。君集不在人。必將反矣。見隋唐嘉話。

未幾吐谷渾寇邊。太宗顧謂侍臣曰。得李靖爲帥。豈非善也。靖乃見房玄齡曰。靖雖年老。固堪一行。

孫甫唐史論斷曰。天子善任人。而所主威柄。則大臣不驕。不驕則中外均肅。太宗以吐谷渾拒命。一日謂侍臣曰。欲李靖爲帥討之。靖功名之大。小當世勛臣首。方以老病居家。聞其言。亟見執政請行。太宗使大臣如是。功名不逮於靖。筋力未衰於靖者。敢驕慢乎。人臣不敢驕慢。則各盡才節。人臣各盡才節。天下事不足治矣。天子使人至是者。無他。善任人而能主威柄也。

太宗大悅。卽以靖爲西海道行軍大總管。統兵部尙書侯君集。刑部尙書任城王道宗。涼州都督李大亮。右衛將軍李道彥。利州刺史高甌生等三通典作五總管征之。九年。軍次伏俟城。吐谷渾燒去野草。以餒我

師。退保大非川。諸將咸言春草未生。馬已羸瘦。不可赴敵。唯靖決計而進。深入敵境。遂踰積石山。前後戰數十合。殺傷甚衆。大破其國。吐谷渾之衆。遂殺其可汗新書名伏允。來降。靖又立大寧王慕容順而還。

通鑑作任城王李道宗敗吐谷渾於庫山。大河以南正路爲今松潘廳。此道不可進。故改從庫山。又云。靖督諸軍經積石山河源。窮其西境。薛萬均兄弟大破天柱王於西海。先敗後勝。何力助之。李大亮敗吐谷渾於昌渾山。左領軍將軍契苾何力選驍騎千餘。襲伏允牙帳於突倫川。通典。江夏王道宗固請追討。靖然之。而君集不從。道宗遂率偏師倍道徑往。去大軍十日。追擊之。賊據險苦戰。道宗遣千騎踰山襲其後。表裏受敵。一時奔潰。李大亮傳作與大總管李靖等出北路。涉青海。歷河源。侯君集傳亦云。靖乃中分士馬。爲兩道並入。靖與薛萬均李大亮趣北路。使君集道宗趣南路。通鑑作侯君集決策進。

攻李靖從之。因分道。靖部將薛孤兒敗吐谷渾於曼頭山。斬其名王大獲雜畜。以充軍食。靖等敗吐谷渾於牛心堆。又敗諸赤水源。君集、道宗引兵行無入之地二千餘里。大破伏允於烏海。君集等進逾星宿川。至柏海。還與靖軍合。

初利州刺史

通鑑作岷州都督

高甌生爲鹽澤道總管。以後軍期。靖薄責之。甌生因有憾於靖。及是與廣州都督府

長史唐奉義告靖謀反。太宗命法官案其事。甌生等竟以誣罔得罪。靖乃闔門自守。杜絕賓客。雖親戚不得妄進。

通鑑總管高甌生後軍期。李靖案之。甌生誣靖謀反。案驗無狀。甌生坐減死徙邊。或言甌生秦府功臣。宜寬其罪。上曰。甌生違李靖節度。又誣其反。此而可寬。法將安施。且國家自起晉陽。功臣多矣。若甌生獲免。則人人犯法。安可復禁乎。爲此不敢赦耳。洪容齋隨筆謂李靖爲相。以足疾就第。會吐谷渾寇邊。卽往見房喬曰。吾雖老。尙堪一行。旣平其國。而有高甌生誣罔之事。幾於不免。似謂衛公自請行。不知其出於太宗之意。事未核而論不實矣。又案九年十一月。特進蕭瑀參豫朝政。十年。罷爲岐州刺史。則甌生之譖。仍迎合蕭瑀意也。胡三省曰。以李靖事太宗。然猶如此。豈非功名之際難居哉。

十一年。改封衛國公。授濮州刺史。仍令代襲。例竟不行。十四年。靖妻卒。有詔塋塋制度。依漢衛霍故事。築闕象突厥內鐵山。吐谷渾內積石山形。以旌殊績。十七年。詔圖畫靖及趙郡王孝恭等二十四人於凌煙

開十八年帝幸其第問疾仍賜絹五百匹進位衛國公開府儀同三司

隋唐嘉話太宗令衛公教侯君集兵法既而君集言於帝曰李靖將反矣至於微隱之術輒不以示臣帝以讓靖靖曰此乃君集反爾今中夏乂安臣之所教足以制四夷矣而求盡臣之術者將有他心焉太宗將伐遼東召靖入閣賜坐御前謂曰公南平吳會北清沙漠西定慕容唯東有高麗未服公意如何對曰臣往者憑藉天威薄展微效今殘年朽骨唯擬此行陛下不棄老臣病期瘳矣太宗愍其羸老不許隋唐嘉話太宗將征遼衛公病不能從帝使執政等召之不果起帝曰吾知之矣明日駕臨其第執手與別靖謝曰老臣宜從但犬馬之疾日月增甚恐死於道路仰累陛下帝撫其背曰勉之昔司馬仲達非不老病竟能自強立勳魏室靖叩頭曰老臣請饜病行矣至相州疾篤不能進上至駐驛山高麗與靺鞨合軍方四十里太宗望見之有懼色江夏王進曰高麗傾國以抗王師平壤之守必弱請假臣精卒五千覆其本根則數十萬之衆可不戰而降帝不應既合戰爲敵所乘殆將不振還謂衛公曰吾以天下之衆困於葭爾之夷何也靖曰此道宗所解時江夏王在側帝顧之道宗具陳前言帝悵然曰當時恩遽不憶也可見衛公無意居伐遼之功容齋隨筆偏據唐書不加參考竟以爲將帥貪功大抵宋人多不甚服衛公此國勢兵勢所以日弱也又案道宗策甚善而不應者全軍深入力支大敵惟恐不足不敢分兵也且令偏師直進地利不熟恐冒險耳孔明不從魏延子午谷策也亦然凡行軍不預知

地圖形勢。又不獲取資向導。故臨時無以決進止耳。太宗決三策以破高麗之衆。其不用道宗策。正由欲自專一戰之功。不肯分兵以自弱。至旣勝之後。不攻建安。不攻烏骨。頓兵安市堅城之下。又有李勣克城之日。男女皆斬之請。所以卒不能成功而退也。

二十三年。薨於家。年七十九。冊贈司徒并州都督。給班劍四十人。羽葆鼓吹。陪葬昭陵。諡曰景武。

冊府靖有疾。太宗親幸第。流涕謂曰。公是朕平生舊交。又於國有大功。忽聞疾病。深以爲憂。賜絹一千匹。又韋端符記曰。公疾。文帝親臨數四。其一札云。有晝夜視公疾。大老嫗遣來。吾欲熟知起居狀。權文公德輿視此。詔捧泣曰。君臣之際。乃如是耶。公之勞烈。固有以感之也。又案賜陪葬詔。作使持節都督并汾箕嵐四州諸軍士。又稱贈儀同三司上柱國衛國公。明趙岫游九嶼記云。李衛公碑已殘破。與諸碑同。而上半特完好。冢中作三山形。文皇以象其功。土人謂之上三家。林侗昭陵石蹟考云。墓在陵東南第八列第三區。劉洞村東。碑爲王知敬書。今存千三百字。

子德謩嗣。官至將作少匠。靖弟客師。貞觀中官至右武衛將軍。以戰功累封丹陽郡公。永徽初以年老致仕。性好馳獵。四時從禽。無暫止息。有別業在昆明池南。自京城之外。西際灋水。鳥獸皆識之。每出則鳥鵲隨逐而噪。野人謂之鳥賊。總章中卒。年九十餘。客師孫令問。玄宗在藩時。與令問款狎。及卽位。以協贊功。累遷至殿中少監。先天中預誅竇懷貞等功。封宋國公。實封五百戶。令問固辭實封。詔不許。開元中轉殿

中醫左散騎常侍知尚食事。令問雖特承恩寵。未嘗干與時政。深爲物論所稱。然厚於自奉。食饌豐侈。廣畜芻豢。躬臨宰殺。時方奉佛。其篤信之士。或譏之。令問曰。此物畜生。與果菜何異。胡爲強生分別。不亦遠於道乎。略不以恩眇自恃。閒適郊野。從禽自娛。十五年。涼州都督王君奭奏。回紇部落叛。令問坐與連姻。左授撫州別駕。尋卒。太和中。令問孫彥芳。鳳翔府司錄參軍。詣闕進高祖太宗所賜衛國公靖官告敕書。手詔等十餘卷。內四卷。太宗文皇帝筆迹。文宗寶惜不能釋手。其佩筆尙堪書。金裝木匣。製作精巧。帝並留禁中。令書工模寫本還之。賜芳絹二百匹。衣服鞞笏以酬之。

韋端符李衛公故物記云。三原令座中有客曰李丞彥芳者。衛公之胄。藏文帝手札二十通。多言征討事。厚勞苦其兵事。節度皆倚公。吾不從中制也。

林侗昭陵石蹟考云。公廟在三原西關。有唐李衛公故里石碑。子孫尙有百餘戶。居縣西五里之橋頭村。成業農。其地屬涇陽。今廣西藤縣有公廟。土人崇祀。若漢伏波。潞安府亦有廟。



叢書集成初編

(補印本)

衛公兵法輯本

一九三七年六月初版

一九五九年十月補印

李靖撰

汪宗沂輯

商務印書館出版

上海虹口印刷廠印刷



~~1669386~~